

四庫全書

子部

欽定四庫全書

御定淵鑑類函卷三百八十八

食物部一

食總載
飯餐

食總載一

原易曰君子以飲食宴樂 又曰君子以慎言語節飲

食

尚書曰食哉惟時

注食哉者所
重民食也

又洪範曰三八

政一曰食

大傳曰八政何竟先食食者
萬物之始人之所本者也

又曰惟辟玉

食

按辟居也言惟
君為美食也

毛詩曰爾酒既滑爾肴伊脯公尸

燕飲福祿來下

又曰中心好之曷飲食之

又曰雖

無嘉肴式食庶幾

周禮曰王齊則玉府供食玉

鄭注云玉

陽精之純者食之以禦水氣

又曰食醫掌和王之六食六飲六膳

百羞百醬八珍之齊凡和春多酸夏多苦秋多辛冬多

醎調以滑甘

注云多其時味以養氣也

凡會膳食之宜牛宜稌羊宜

黍豕宜稷犬宜粱雁宜麥魚宜苽凡君子之食恒放焉

注云言氣味相成也

又膳夫掌王之飲食膳羞王日一舉鼎十

有二物皆有俎以樂侑食

按鄭注曰謂王日一舉以朝食也后與王同庖鼎十有二

牢鼎九陪鼎三物謂
牢鼎之實亦九俎

又曰王齊日三舉

注曰殺牲盛饌曰舉

又曰庖人掌共六獸六禽

注曰六獸麋鹿熊麇野豕兔六禽雁鵝鳩雉鳩

禮記曰古者未有火化食草木之實鳥獸之肉後聖有

作修火之利以炮以燔以爲醕醢 又曰凡進食之禮

左肴右胾食居人之左羹居人之右膾炙處外醢醬處

內葱蒜處末酒漿處右以脯脩置者左胸右末 增又

曰春宜羔豚膳膏薡

牛

夏宜牀脯膳膏臊

犬

秋宜犢麋

膳膏腥

鷄

冬宜鮮羽膳膏臠

羊

又曰食禮主人親饋

則客祭主人不親饋則客不祭故君子苟無禮雖美不

食焉 原墨子曰人不衣裋褐不食糟糠飲食不美面

目顏色不足視衣服不美身體從容不足觀也是以食

必梁肉衣必文繡 增慎子曰小人食于力君子食于

道 又曰飲過度者生水食過度者生貪 公孫尼子

曰食甘者益于肉而骨不利也 又曰太古之人飲露

食草木實 莊子曰巧者勞而智者憂無能者無所求

飽食者遨遊泛若不繫之舟 韓子曰嬰兒共戲以塵

為飯以塗為羹以木為馱然至日晚必歸饒者塵不可食也 又曰凡人上不屬天下不著地以腸胃為根本不食則不能活是以不免于欲利之心欲利之心不除其身之憂也故聖人衣可犯寒食足以充虛則不憂矣

又曰饑歲之春幼弟不饒饒歲九秋疎客必食非疎骨肉少多之心異也 孫子曰鑠金為洪爐盜隸不探鵝肉在俎餓徒不食 原淮南子曰食者民之本也 增 又曰煎熬烹炙調齊和之適以窮荆吳甘酸之變 原

揚子法言曰食如蟻衣如華朱輪駟馬金珠煌煌無已

泰乎

注曰蟻言精細也

白虎通曰王者所以四食者何明有

四方之物食四時之功也四方不平四時不順有撤膳之法焉 又曰王者食所以有樂何樂食天下之太平富積之饒也 又曰食力無數庶人職在耕桑戮力勞役饑即食飽即作故無數按禮器云天子一諸侯再大夫士三食力無數 桓譚新論曰太原郡民以隆冬不火食五日雖有疾病緩急不敢觸犯 又曰太原咸奉

介君之靈至三月清明斷火寒食 增魏文帝詔曰三世長者知飲食言被服飲食難曉非長者不別也

食總載二

原禮含文嘉曰燧人氏鑽火始炮生為熟人無腹疾

鬻子曰禹嘗據一饋而七十起日中而不暇飽食 增

禮記曰文王之為世子食上必在視寒煖之節食下問

所膳命膳宰曰末有原應曰諾然後退 韓子曰管子

束縛自魯之齊路飢而泣過綺邑乞食封人跪餐之因

竊謂仲曰若用齊將何報我曰如子之言我且賢之用能之使勞之掄我何以報子封人怨之 左傳曰初宣

子田于首山舍于翳桑見靈輒餓問其病曰不食三日
矣食之舍其半問之曰宦三年矣未知母之存否今近
焉請以遺之使盡之而為之簞食與肉寘諸橐以與之
又曰子服聲伯使叔孫豹請逆于晉師為食于鄭郊
師逆以至聲伯四日不食以待之食使者而後食 原
又曰衛獻公戒孫文子甯惠子食皆服而朝日旰不名

而射鴻于圃二子從之不釋皮冠而與之言二子怒文子如戚 增晏子曰晏子相齊三年政平民悅中食而肉不足景公封晏子以都晏子辭不受 說苑曰晏子所

同衣食者百人而天下之士至 原左傳曰公膳日雙雞饗人更之以鶩御者知之而以洎饋子雅子尾怒

增又曰晉悼夫人食輿人之城杞者絳縣人或年長矣無子而往與于食 原又曰秦醫和對晉侯曰天有六氣降生五味 公羊傳曰魯昭公走之齊齊侯使高子

執簞食與四脰脯國子執壺漿曰寡君聞君在外餒饗
未就敢致糗于從者昭公再拜稽首以祗受 家語曰
孔子厄於陳蔡從者七日不食子貢以所齎貨竊犯圍
而出告糴于野人得米一石焉 增韓子曰季孫相魯
子路為郈令魯以五月起衆爲長溝當此時子路以其
私秩粟為漿飲要溝者于五衢而餐之孔子聞之使子
貢往覆其飲擊毀其器曰魯君有民子奚為乃餐之夫
禮天子愛天下諸侯愛境內大夫愛官職士愛其家過

其所愛曰侵今魯君有民而子愛之是子侵也不亦誣乎左傳曰衛侯為虎幄於籍圃成求令名者而與之始食焉太子使請良夫良夫乘輿甸兩牡紫衣狐裘至袒裘不釋劍而食原說苑曰子思居于衛緼袍無裏三旬九食史記韓信常數從其下鄉南昌亭長寄食數月亭長妻患之乃晨炊蓐食信食時往不為具食信亦知其怒意竟絕去乃釣城下諸母漂有一母見信飢為設食信謂漂母曰吾必有以重報母母怒曰丈夫不

能自食吾哀王孫而進食豈望報乎 又曰景帝召條

侯周亞夫賜食獨置大胾無切肉又不置箸條侯心不

平 漢書曰萬石君時賜食于家必稽首俯伏而食如

在上前子孫有過對案不食 又朱買臣傳曰初買臣

免待詔常從會稽守邸者寄居飯食後拜為太守 又

曰成帝元延四年中山王入朝每賜食必飽而出 東

觀漢記曰汝郁年五歲母疾不能飲食郁亦不肯食母

憐之強為之餐飯欺言愈郁視母色未平輒不食 又

曰梁鴻少孤以童幼詣太學受業治禮詩春秋常獨坐
不與人同食 謝承後漢書曰茅容避雨樹下危坐愈
恭郭林宗見而奇之因請宿寓旦日容殺雞為饌林宗
謂為已設既而供其母自以草蔬與客同飯林宗起拜
之曰卿賢乎哉因勸令學卒以成德 增魏志曰文帝
為太后弟康起第成太后至第請諸家外親厨無異膳
太后左右菜色粟飯無魚肉其儉約如此 又曰扈累
者嘉平中年八十九歲若六七十歲者縣官以其老日

給廩五升五升不足食頗有傭作以裨之糧盡復出人
與不取食不求美 又曰沐德信河間人也始為吏有
志介嘗過姊為殺雞炊黍而不留也後吳使諸葛瑾攻
樊城遣船兵于峴山東砍材牂牁兵人作食有先熟者
呼後熟者來食後熟者答言不也呼者曰汝欲作沐德
信邪其名流布播于異域如此 原王隱晉書曰何曾
日食近萬錢猶曰無下箸處也 又曰皇甫謐姑子梁
柳為城陽太守或勸謐送謐曰柳為布衣過吾送迎不

出門食不過鹽菜貧不以酒肉為禮也今作郡而送豈

古人之道哉

增晉書曰吳郡陸納

字祖言

謝太傅安嘗

造祖言祖言都無供辦兄子俶密為具餐太傅既至祖
言所設惟茶果而已俄而俶遂陳盛饌珍羞畢陳謝去
祖言大怒責數俶曰汝不能先益叔父乃欲穢我素業
邪杖之四十 又曰郝鑒字導微永嘉亂在鄉里窮餒
鄉人以鹽名傳餉之時兄子邁外孫周翼並小常攜之
就食鄉人曰恐不能兼有所存鑒乃獨往食訖飯著兩

賴邊舍還與二兒後並得存同過江邁位至護軍翼為
剡令鑒薨追撫育之恩解職而歸心喪三年 又曰庾

衮父亡作宮賣以養母母見其勤曰我無所食對曰母
食不甘衮將何居母感而安之 原沈約宋書宗慤傳

曰鄉人庾業家甚豪富每待賓客膳必方丈 增又曰

謝景仁為桓靈寶將軍時武帝為桓參軍嘗詣景仁諮
事景仁與語悅因留帝食未辦而景仁為靈寶所召俄
頃間騎詔續至帝屢求去景仁不許曰主上見待要應

有方我欲與客食豈不得待帝甚感之 又曰謝景仁
愛弟尠而惡弟述嘗設饌請宋武帝希帝命尠預坐而
帝召述述知景仁夙意又慮帝命之請急不從帝馳遣
呼述須至乃歡 又曰劉穆之妻江氏少時家貧穆之
好往妻兄弟家乞食嘗食畢求檳榔江氏兄弟曰檳榔
消食君乃常飢何用需此其妻截髮市肴饌為其兄弟
餉自此不對穆之梳沐後穆之貴達而更豪奢食必方
丈 又曰江夏王義恭幼為武帝所鍾愛帝性儉諸子

飲食不過五盞盤義恭須求果食日中無寔得未嘗噉
悉以與人 又曰文帝宴於武帳堂上敕諸子且勿食
至會所賜饌日旰食不至有飢色上戒之曰汝曹少長
豐佚不見百姓艱難今使爾識有飢之苦 又曰文帝
以謝弘微能膳羞每就求食弘微與親舊經營乃進之
後親人問上所御弘微不荅別以餘語酬之時人比之
漢世孔光 又曰謝弘微兄曜卒弘微哀戚過禮服雖
除猶不噉魚肉沙門惠琳嘗與之食見其猶蔬菜謂曰

檀越若以無益傷生豈所望于得理弘微曰在心之哀
實未能已遂廢食歎歎不自勝 又曰阮佃夫奢侈中

書舍人劉沐嘗詣之遇佃夫出行中途相逢要沐同返
就席便命施設一時珍肴莫不畢備 又曰郭元平至

行養親必以已力傭賃以給供養性甚巧每為人作供
取數夫傭主人設食元平以家貧父母不辦有聲味惟
餐鹽豉而已若家或無食則虛中竟日義不獨飽 齊

書曰武帝收沙門寶誌在獄中語獄吏曰門外有兩輿

食金鉢盛飯汝可取之果是文惠太子及竟陵王子良所供養 又曰王儉嘗詣武陵王華華留儉設食盤中菰菜鮑魚而已儉重其率真為飽食盡歡而去 又曰周顒隱居鍾山衛將軍王儉謂顒曰卿山中何所食顒曰赤米白鹽綠葵紫蓼 又曰張緒口不言利有財輒散之清談端坐或竟日無食門生見緒飢為之辨食然未嘗求也 又曰孔休源寓于宗人少府孔登宅曾以祠事入廟侍中范雲一與相遇深加褒賞曰不期忽覩

清風頓祛鄙宏觀天披霧驗之今日後雲命駕到少府
登便拂筵整席謂當詣已備水陸之品雲駐筇命休源
及至取其膳止有赤倉米飯蒸鮑魚雲食休源食不嘗
主人之饌高談盡日同載還家登深以為愧 崔鴻後
趙錄曰石虎召姚弋仲弋仲輕騎至鄴引入領軍省賜
以御食仲怒曰國家有賊召我擊之而乃食我我來覓
食邪 後魏書曰裴安祖年八九歲就師講詩至鹿鳴
篇語諸兄云鹿得食而呼而況人也自此未曾獨食

北齊書曰崔瞻在御史臺恒于宅中送食備盡珍羞別
室獨餐處之自若有一河東人士姓裴亦為御史伺瞻
便往造焉瞻不與交言又不命七筯裴坐觀瞻食罷而
退明日自攜七筯恣情飲噉瞻乃謂裴云我初不喚君
食亦不共君語君遂不拘小節昔劉毅在京口冒請鵞
炙豈亦異于是乎君定名士于是每與共食 後周書
曰柳虬脫畧人間不拘小節弊衣蔬食未嘗改操人或
譏之虬曰衣不過適體食不過充飢孜孜營求徒勞思

慮耳 唐書曰高祖師次于古推去絳郡二十餘里有
紫雲如華蓋樓閣之形正臨高祖之上時隋絳郡通守
陳叔達堅守不下高祖謂厨人曰吾明日下城然後朝
食辛卯引兵攻城自旦及辰而破高祖乃食 又曰高
祖朝諸宰臣于政事堂供饌珍美議減其料東臺侍郎
張文瓘曰此食天子所以重機務待賢才也吾輩若不
任其職當自陳乞以避賢路不可減削公膳以邀名譽
明皇雜錄曰天寶中諸公主相効進食上命中宮來

思藝為檢校進食使水陸珍羞數千盤之費蓋中人十
家之產中書舍人竇華常因退朝遇公主進食方列于
通衢乃傳呵按轡行于其間宮苑小兒數百人奮捷而
前華僅以身免 又曰順宗時宰臣鄭珣瑜韋執誼方
與諸宰臣相食故事丞相方食百寮無敢見者王叔文
是日至中書欲與執誼計事令直省通執誼直省以故
事告叔文怒叱直省直省入白執誼執誼遂巡慙赧竟
起迎叔文就其閣語良久宰相杜佑高郢珣瑜皆停筯

以待報者云叔文索飯韋相公已與之同食閣中矣
佑郢等心知其不可畏懼叔文莫敢出言珣瑜獨歎
曰吾豈可復處此乎顧左右取馬徑歸遂不起 又
曰楊炎與門下侍郎盧杞同執大政杞形神詭陋宿
為所褻而炎氣岸上峻罕防細故方病食膳無節或
為麋餐別食閣中讒者乘之謂杞曰楊公鄙不與同
食杞銜之 又曰常袞為相將讓堂厨同列以為不
可而止

食總載三

原和精

強體

呂氏春秋云食能以時身必無灾凡食之道無飢無飽是之謂五臟之葆口必

甘味和精端容將之以神氣百節虞歡咸進受氣墨子云古之民未知為飲食故聖人作誨男耕稼樹藝以

為民食其為食也以增氣充虛強體適腹而已矣

忘憂

解怒

左傳云魏獻子為政以魏

戊為梗陽大夫梗陽人有獄魏戊不能斷以獄上其大宗賂以女樂獻子將受之魏戊謂閭沒女寬曰吾子必諫皆許諾退朝待于庭饋入召之比置三歎既食獻子曰吾聞諸諺曰惟食忘憂吾子置食之間三歎何也同辭而對曰或賜二小人酒不夕食饋之始至恐其不足是以歎中置自咎曰豈將軍食之而有不足是以再歎及饋之畢願以小人之腹為君子之心屬厭而已獻子辭梗陽人闕子曰義渠之人烹龜鱉不熟腥穢腥臭

中國之民雖飢三日不啓口至死弗食也吳章莊吉受而和之病人食之為之輕體萬乘飲之為之解怒何也

吳章莊吉之調存也

玉饌

珍肴

左思吳都賦曰競其區宇則並疆兼巷矜其宴居則珠服

玉饌 辛延壽羽林郎歌云不意金吾子娉婷至我廬就我求珍肴金盤鱠鯉魚

餬口

果

腹

左傳餬其口于四方莊子癡腹果然

五鼎

九飮

孟子前以三鼎後以五鼎盧

氏雜說唐御厨進食用九飮食以牙盤儿枚裘食味于其間置上前亦謂之香食

民天

禮

始

文選食為民天禮之初始于飮食

四簋

三杯

秦詩於我乎每食四簋今也每食不

飽注曰四簋謂黍稷稻粱朱博儉每食案上不過三杯

朵頤

量腹

易舍爾靈龜觀我朵

頤 文子曰聖人量腹而食言食不貪也

壺飧

鼎餽

傳曰趙衰以壺飧從徑餽而不食言

其廣仁且忠也
易鼎折足履公陳

侑樂

加邊

上詳食一
孫宿如晉晉侯享之

有加

吮玉液

飲珉膏

楚詞九思云吮玉液兮止渴
王子年拾

遺記曰燕昭王即位三年廣延國來獻善舞者二人一
名旋娟一名提娵並玉質凝膚體輕氣馥綽約而窈窕
絕古或行無踪影或積年不飢昭王處以
單綃華幄飲以瑤珉之膏飴以丹泉之粟

增富四海

兼三味

清異錄云孫承祐在浙右會食指盤筵謂客
曰今日生中南之蠅蚋北之紅羊東之鰕魚

西之棗栗無不畢備可謂富有四海矣
類林云皇甫士安善品味過衛倫家倫命僕取糧糗以食士安嘗之
曰麥也有杏李奈味三果之熟也
不同子焉得兼之倫笑而不言退謂人曰士安之識遠過劉子陽吾麥杏時
糝以杏汁李奈時又糝
以李奈汁故兼三味

韋陟厨

文昌庖

長安記云
韋陟厨中

飲食珍美香甜錯雜人入其厨飽飲而肆語曰人欲不
飯筋骨舒蜚緣須入韋公厨清異錄曰段文昌丞相
特精食事第中庖所榜曰鍊珍堂在塗曰行珍館家有
老婢掌其法指授女僕凡四十年開百婢嗣法止九婢
文昌自編食經五十卷

原羞鱖小

比飯麤

國語云文伯飲

南宮敬仲酒路親父為客羞鱖小親父怒曰將使鱖長
而食之遂出史孟嘗君待客夜飲或蔽火光客怒以
飯不等輟食辭去孟嘗起自將其
飯比之飯乃麤客慙之自刎而死

解龜染指

食鵞

求餘

左傳子公之食指動以示子家曰他日我如此必
嘗異味及宰人將解黿乃染指于鼎嘗之而出

晉庾悅嘗食鵞劉毅求其餘不應毅銜之義熙中
奪悅豫章解其軍府使人微示其旨悅忿懼而死

食

惟接氣

味以平心

聖人食足以充虛接氣
君子食之以平其心

食存人

欲 賜表主恩

遺饌餉母

備味供官

陳書曰徐孝克為國子祭

酒每侍宴無所食噉至席散當其前膳羞損減帝密記以問中書舍人管斌斌自是伺之見珍果納紳帶中斌當時莫識其意後尋訪方知其以遺母斌以啓宣帝嗟歎良久乃敕自今宴享孝克前饌並遺還以餉其母時論美之 舊史云崔日用為芮城尉則天幸長安路次陝州宗楚客時為刺史日用祇供頓事廣求珍味稱楚客之命徧饋從官楚客知而大加歎賞盛稱薦之 黔敖于路待餓者 吳起

至暮待故人

禮記曰齊大饑黔敖為食于路以待餓者而食之有餓者蒙袂輯屣貿貿然來黔敖

左奉食右執飲曰嗟來食揚其目而視之曰予惟不食嗟來之食以至于斯也從而謝焉終不食而死曾子聞之曰微與其嗟也可去其謝也可食 韓子云吳起出遇故人而止之食故人曰諾今返而御吳子以待公而

食故人至暮不來起不食待之明日
蚤令人求故人故人來方與之食

食總載四

原饗

饗說文云凡食之屬皆從饗饗食也

噬嗑

易曰頤中有物曰噬嗑噬嗑食也

玉食

陸機七徵云奇膳玉食窮滋致豐

珍膳

楊子法言云或曰訕訕匈奴被我純績帶我金

犀珍膳寧餉
不亦享乎

蕙餼

楚詞云蕙餼蒸兮蘭藉蕙桂酒兮椒漿

蘭肴

邊讓章華

臺賦曰蘭肴山積椒酒淵流

鮮食

尚書豎益奏庶鮮食

艱食

水土既平民尚艱食

康食

安食也

再食

漢文一日不再食則飢

寘壁

左傳饋盤飧寘壁公子受飧返

壁

飽寢

南部新書曰杜邠飲食洪博既飽即寢人有諫非攝生之理公曰君不見布囊盛米放倒

即漫 **中厨** 中厨豐饌出

薄具 具肴饌也

燒尾 景龍記云景龍中蘇瓌拜僕射

初拜官者例各進食名曰燒尾瓌無所進曰宰相調陰陽今粒食踊貴百姓不足臣愚不稱職不敢燒尾

列鼎 家語子路南遊于楚列鼎而食

變色 有盛饌必變色而作

力珍 禮食時不力珍

注力務也食四時之食

繁味 周禮

性驕 國語曰膏粱之性難正言食膏粱則性易驕

口爽 五味令人口爽

有閤 禮大夫七十而有閤閤藏食也

無魚 馮驩彈鋏歸朱

兮食無魚 **不辭** 孔子食于季氏不辭不食肉而餐以待已非禮也

屬厭 **昭儉**

傳曰梁食不鑿胎其儉也 **恥惡** 士志于道而恥惡衣惡食者未足與議也

素餐 詩

先嘗 君賜食必正席先嘗之敬君之惠也

大嚼 過屠門而大嚼

六禽 **四膳**

窮海

極陸

七命曰六禽之珍四膳異有窮海之錯極陸之珍

厭飫

厭而

饗饗

貪財與食

奉膳

奉進也

賜食

記曰若賜之食而君客之則命之祭然後

祭

不滬

儒有其飲食不滬

無度

飲食無度

踰牲

庶羞不踰牲

獻

熟

禮獻熟食者操醬齊

飲賜

傳將賞為之加膳加膳則飲賜注飲賜以酒食賜下無不飲足

巧食

燕食

謂王者日中與夕食

退食

自公退食

貶食

傳

稍事

非日中大事之時而間食謂之稍事

名食

酉陽雜俎云今衣冠家名食有蕭家餽餽餽去其湯不肥

可以淪茗庾家粽子白瑩如玉韓約能作櫻桃餽餽其色不變又能造冷胡突鱸鯉魚臆連蒸麋皮索餅

家食

易不家食吉

鼎養

易大烹以養聖賢

積食

杜鎬傳云真宗問積食原于何

代鎬曰漢文帝鍾愛太子景帝命太官每具兩饋食以賜之此其始也

不澤手

禮共飯不澤手

不徒食

又庶人者老不徒食徒空也

毋流歎

禮

毋咤食

禮

飲如饋

風俗通云俗說飲如饋人飲酒無量如饋之多也

食若壑

曹植與吳季重書云

當斯之時願舉太山以為肉傾東海以為酒食若填巨壑飲若灌漏卮其樂固難量豈非大丈夫之樂哉

爽口食

應吉甫論云芍藥之羹爽口之食

驢馬啖

風俗通曰俗說驢馬啖賓客晏食已

關主意未盡欲復飲酒餘無他便出脯膳椒薑鹽豉言其速疾如驢馬之傳命按驢音顛今之戴星馬也

不素飽

易曰不素飽也

每無餘

詩曰今也每食無餘

侍于君

侍食于君君祭

先飯

乞于野

重耳乞食于野野人與之塊

不徧味

墨子曰每食方丈口不能徧味

目不能
徧視

不二味

閻閻食
不二味

食以時

禮飲食
以時

食其時

百穀

加籩豆

鄭伯享楚
子加籩豆

餘粱肉

稷與牛

季夏中
央土

稻與魚

孟秋

黍與雁

孟冬

原聖人所寶

墨子云且夫
食者聖人之

所寶

人之所美

淮南子云怪
味人之所美

以親宗族

周禮以飲
食之禮親

宗族

以強股肱

墨子云聖王制飲食足以充虛增氣
以強股肱使耳目聰明不極五味之

調芬香

以頤精神

揚雄蜀都賦曰甘馥之和芍藥之
羹江東鮑鮑隴西牛羊額米肥猪

獨草孤鷄五肉七菜百味

以通血氣

公孫尼子云太
古吮露精食草

木實聖人為火食號

和神安體

潘岳釣賦云五味既
和餘氣芬芳和神安

體易思
難忘

調神暢情

徐爰食歲曰一日三飽聖賢通執
奉君養親靡不加精安體潤氣調

神暢

充飢協氣

陸機七徵云旨甘調以
充飢芬馨發而協氣

飲血茹毛

禮記云昔者先王未有火化食草木之實鳥獸之內飲其血茹其毛

以充庖厨

取犧牲以充庖

厨

以熟葷臊

管子云黃帝鑄燧以熟葷臊民食之無腹胃之疾

燔黍捭豚

鹽鐵論云古者燔黍而食捭豚相享賓客婚姻和豆羹曰飯也

減腥去臊

呂氏春秋曰湯得伊

尹設朝見之禮伊尹說湯以至味曰凡味之本水最為始火之為紀時疾時徐減腥去臊除羶必以其勝無失

其珍用八物

按禮所謂八珍者淳熬淳母炮豚搗珍漬熬摻肝腎炮牂蓋八也其品則牛羊

麋鹿豕狗皆所以養老者也後世則侈云龍肝鳳髓豹胎鯉尾鶚炙猩唇熊掌酥酪蟬蛻北八珍醍醐麝香

野駝蹄鹿唇駝乳麋天鵝炙紫雲漿玄玉漿按母音模
音音聊牂音臧又按酥酪蟬羊脂為之玄玉漿即馬妳

子

膳用六牲

牛羊豕犬雞也

膳夫掌食

周禮膳夫掌王

之食飲饌羞以養王及后世子

宰人上食

莊子云趙文王好劍莊子說之宰人上食王三環之

注云聞義而愧繞饌三周不能坐視也

大官供食

蔡質漢官儀云尚書即直入臺大官供食

五日一美食下天子一等

凌人共冰

周禮凌人祭祀共冰鑑賓客共冰鄭注曰不以鑑往嫌使

停膳羞孔疏云冰若有鑑則冰不消釋食得停久

牲孕弗食

禮記云天子牲孕弗食祭帝弗

用也注孕生子者也

雞黿不食

禮記注伏乳不利人也

食無強厚

呂氏春秋

云凡食無強厚飲必小咽端直無戾

不宜露食

曹昆杜蘭香傳云蘭香戒張碩曰不宜露頭食

每食擊鐘

左傳云宋左師每食擊鐘

飲食擊鼓

呂氏春秋云有城氏有二佚女

為九成之臺飲食必以鼓

自求口實

易云自求口實觀其自養也

以就口食

毛詩云克岐克嶷以就口實

需于酒食

易曰需于酒食貞吉

困于酒食

又

困于酒食朱紱方來利用享祀

三弋五卯

晏子曰晏子相景公食脫鼎之食炙三弋五卯苔菜

而已公聞之往燕焉睹晏子之食也公曰嘻夫子如此其貧乎

多鹽少鼓

東晉近遊賦

獨食何甘

應璩新詩云豐隆窮美味獨食有何甘

美食思親

說苑云魯有儉者煮

甌中之食食而美以遺孔子孔子受之如受犬馬之遺弟子曰先生何為受之喜如此曰非以煮甌瓦之薄也食之美故念吾親也

併食一器

燕書云孫鳳昌黎人每併食茹于一器久之蛆臭然後乃食

設饌十起

江表傳曰南陽樊仙為武昌部從事誘導諸夷叛屬劉備孫權召問潘濬濬曰以五

千兵往成擒權曰卿何以輕之濬曰仙昔為州人設饌比至日中食不可得而十餘自起此亦侏儒觀一節之

驗權即遣兵五十

客舍飲食

四王遺事云惠帝還洛陽道間于客舍作飲食

兵往果平武昌

宮人有持升餘杭米飯澆以供至尊

官屬遮食

東觀漢記云光武至饒陽官屬皆乏食光武乃

自稱邯鄲使者入傳舍傳吏方進食徙者飢遮奪之傳者疑其偽乃椎鼓數十通給言邯鄲將軍至官屬皆失色光武升車欲馳而懼不免還

六畜五牲

左傳子太叔對趙簡

坐曰請邯鄲將軍入久乃駕去

子曰為六畜五牲三犧以奉五味杜注曰六畜馬牛羊雞犬豕五牲麋鹿麇狼兔三犧祭天地宗廟犧牲

六穀八珍

劉邵七華云六穀八珍百羞五味食饌之常未足為貴

五穀六仞

楚詞

云五穀六仞設菰梁只鼎臠盈望和致芳只內鷓鴣
味豺狼只魂乎歸來恣所嘗只注五穀稻稷麥豆麻也
七尺曰仞菰
梁蔣實也
三禾九變傳玄七謨公子曰三禾九變

薪

五黃千品

七謨云五黃千品桂
蠹熊蹯不可勝原

珍怪之食

穀梁傳云

邾婁叔術有子肝
好食珍怪之食也

珍奇食物

東觀漢記曰岑彭引兵
還屯津鄉當江南荆揚

咽喉喻告諸蠻夷諸蠻夷相率遣使貢
獻于是江南之珍奇食物始流通焉

六珍之饌

應劭

百官表注云少府屬官有太官
掌王餐六珍之饌百味之羞

百品之物

周禮云內
饗掌王及

后世子之饌羞辨百品之物鄭注
曰百品味庶羞之屬言百舉成數

大宛之犧

徐幹七
喻云大

宛之犧三江之魚雪
鶴水鵲熊蹯豹胎

洞庭之鮒

崔駰七依云洞庭之
鮒灌水之鱖滋以陽

樸之薑菽以
壽木之華

鴻淵巨鯉

傅巽七誨云乃有廣
河潛魴鴻淵巨鯉

丹穴

飛凰

陸機七徵云拾朝陽之
遺卵納丹穴之飛凰

丹穴之雛

張協七命云
丹穴之雛玄

豹之胎輝以秋橙醅以春
梅按輝昌善切醅音添

靈淵之龜

又云靈淵之龜
萊黃之胎駘海

也魚

雲鷓水鵠

見徐幹
七喻

晨鳧宿鷄

王粲七釋云黿羹
鳩臠晨鳧宿鷄

丹山鳳丸

呂氏春秋曰肉之美者猩猩之唇獾獾之
炙丹山之南有鳳之丸沃民所食案注云

丸古卵
字也

粵澤龍胎

崔駰
七依

霜熊之掌

王粲
七釋

龍脇之

肪

孔煒七引龍脇之肪鳳趾之筋膚髓鹿腸鵠
舌麒麟秋熊柔蹠文豹臙胎按臙音瑯肥也

鷓鴣

猩唇

張協七命云封熊之蹠翰音
之距鷓鴣猩猩唇鬣殘象白

豹胎黿腸

曹植樂
府云魴

欽定四庫全書

卷三百八十八

映熊掌豹胎龜腸玄
熊素膚肥藜濃肌

飛鷄伏鷄傅巽七誨

牯牛之腴

肥狗之和枚乘七發云牯牛之使菜以

楚苗之食又云

楚苗之食安胡之飯
搏之不解一啜而散

山梁之餐

又云蘭英之酒酌以滌口山梁之餐藜藿

之首
秋黃之蘇

白露之茹

又云薄者之炙鮮鯉之膾秋黃之蕪白露之茹

熊蹯之臠

又云于是使伊尹煎熬易牙調和熊蹯之臠芍藥之醬

鯉鮓之膾桓麟

木酪昌菹

鬯酒蕪漿

崔駰七依云木酪昌菹鬯酒蕪漿成湯不及見桓公

所未嘗

雞寒狗熱

崔駰博徒論云牛膾羊膾炙雁煮鳧雞寒狗熱重按滿盈

鼃羹

螭臠王粲七釋

魚鱉膾鯉毛詩

臠鱉膾腥

鹽鐵論曰今民間燔炙滿案臠

界遇霖雨糧之相謂曰正爾當飢乃得食邪應時羹飯備在前

四神守護

幽明錄云海中有金

臺上有百味之食四大神力常守護之也

三鳥取食

山海經云三危之山三青鳥居之是山也

廣圓百里注云三青鳥主為西王母取食者別自栖息于此也

增不過一器

柳公綽尉渭南

歲歉饑其家雖給每食不過一器歲豐乃復或問之答曰四方病飢乃獨飽乎

不具五味

元德

秀家苦貧未嘗具五味而食

適口者珍

宋太宗問蘇易簡食品奚珍對曰適口者珍臣一夕

痛飲夜忽燥中庭月明殘雪中覆盎蓋臣連咀數根自謂仙厨鸞脯鳳胎殆不及此上笑而然之

明

皇命射

盧氏雜記云唐明皇命射生官射鹿取血煎鹿腸食之謂之熱洛河

將軍出食

酉陽雜俎云貞元中有一將軍家出飯食每說物無不堪喫惟在火候善均五味嘗取敗障泥胡祿修理食之

其味
極佳

食料前定

前定錄韓晉公在中書嘗召一吏不
時至怒將撻之吏曰某有所屬不得

遽至乞寬其罪晉公曰宰相之吏更屬何人吏曰某不
幸兼屬陰司晉公以為不誠怒曰既屬陰司有何所主
吏曰某主二品以上食料晉公曰若然某明日當以何
食吏曰此非細事不可顯之請疏于紙過後為驗乃怒
之而繫其吏明日遽有詔命既對適遇大官進食有羔
麋一器上以一半賜晉公食之美又賜之既退而腹脹
歸私第召醫者視之曰食物所擁宜少服橘衣湯至夜
可啖漿水粥明旦疾愈思前夕吏言召之視其書皆具
說因復問人間之食皆有籍邪對曰三品以上日支五
品以上旬支六品至九品季支其有不食祿者歲支

食物筭

知

西京雜記云曹元理明筭術嘗過其友陳
廣漢廣漢為之飲酒取鹿脯數斤筭曰諸

蔗二十五區應收一千五百三十六枚蹲鵠三十七畝
應收六百七十三石牛產二百犢萬難將五萬雛羊豕

驚鴨皆道其數果莽肴較悉知其所乃曰此資業之廣何供饋之偏邪廣漢慙曰有倉卒客無倉卒主元理曰

組上蒸豚一頭厨中荔枝一棹皆可為設廣漢再拜謝罪自入取之盡日為歡又吳志曰趙達嘗過故知家

故知具酒食紹曰倉卒乏酒肴如何達取盤中雙箸再三縱橫之乃言卿東壁下有美酒一斛又有鹿肉三斤

何以辭無主人慙曰知卿善射有無特欲相試耳匹製貌狸古今詩話云刁

曰餞行三匹製蜜腸十貌狸匹製以小大罌為之如黃漆貌狸形如鼠而大北狄以為珍膳麟脂

螭髓續神仙傳曰謝元卿遇炊金饌玉拾遺記云駱神設素麟脂斑螭髓

為炊金饌玉食玉炊桂戰國策曰燕秦之楚三日乃得見王辭去曰曾不少留對曰楚食貴

于玉薪貴如桂謁者難得見如鬼王難得見如帝令臣食玉炊桂因鬼見帝王曰聞命矣冰厨饅

婦

山谷詩米厨欲罄浮蛆
貧饅婦初供醒酒水

足以一笑

志林云爛蒸桐
州羔灌以杏酥

食以七不以筋南都櫻心麪作槐芽溫淘糝以裹邑抹
猪炊共成香稻薦蒸鷄吳興厨人斫松江鱸魚膾繼以

康王谷水烹增坑闕品茶焉解衣少
卧使誦東坡赤壁賦足以一笑也

原不知其旨

雖有

嘉肴弗食
不知其旨

豈得而食

吾豈得
而食之

無禮不食

禮曰君子
苟無禮雖

美不
食焉

親饋則拜

禮曰主人親
饋則拜而食

禹菲飲食

任極滋

味

任愷極滋味以自奉養初何
幼以公子奢侈愷乃踰之

既將既嘉

爾酒既將
爾有既嘉

達左達右

天子之閣左達五右
達五共十閣食庫

不食大官

何曾字
穎考厨

膳滋味極于王者每燕
會並不食大官所設

乞食吳市

史記伍子胥夜行
晝伏吹竽乞食于

吳市 何其薄乎

後漢井丹字大春性高未嘗修刺候人沛王等五王更請丹不能致信陽侯陰

就要却致之既至為設麥飯葱菜之食丹推去之曰何其薄乎更設盛饌乃食之

無以加之

何邵字敬祖食必四方珍異一日之供以錢二萬為限時論以大官御膳無以加之

吉蠲為饔

肉食者鄙

傳

賜果懷核

禮曰賜果于居前其有核者懷其核

賜

果捧拜

後漢桓榮字春卿詔賜奇果受者皆懷之榮獨舉手捧以拜帝笑曰真儒生也

春卯

夏笋 秋韭冬菁

鱸羹之物

鱸生肉也羹乾肉也

戢踏之屬

厚味薄行

管子曰臣聞厚于味者薄于行

攻苦食啖

史呂后與陸下攻苦食啖

增諸王修事

盧氏雜說云翰林學士每遇賜食有物名畢羅形粗大滋味香美呼為諸王修

事

待客稍厚

後魏書曰元欽曾青州人高僧壽為子求師師至未幾逃去欽以讓僧壽僧壽

性滑稽乃謂欽曰凡人絕粒七日乃死始終五朝便爾逃逃去食就信實有所闕欽乃大慙于是待客稍厚

異饌留客

後周書曰長孫澄雅好賓客接引忘疲雖不飲酒而好觀人酣飲嘗恐座客請歸每

令中厨別進異饌留之

別品會賓

唐書云裴冕性侈靡每會賓客有味于品物之名者

我不能食

吏部郎庾景之嘗往候樂頤之為設食惟枯魚羹數種景之曰卿過于

茅季偉我非郭林宗耳

謂不可食

蕪逢吉已貴益為豪侈謂中書

堂食為不可食乃命家厨進羞日極珍膳

周舉使炊食

汝南先賢傳云周舉為并州刺史太

原舊俗以介子推燒死至其亡時民為絕火食老小不堪歲多死者舉乃作帛書置子推廟中說民不宜寒食

之故因勸使
炊食如初

石勒復寒食

趙書云石勒時斷寒食忽暴風霹靂雷雨電大者彈丸

平地水深三尺勒大
驚令民寒食如故

鸞麒麟之麋

劉劭七華云煮丹穴之卵照南海之

鳩烹文豹之胎
鸞麒麟之麋

燔鳳凰之胎

傳玄七謨云燔鳳凰之胎燔飛龍之肝

貢飛禽之鮮

杜預七規云農父進菰米之精粹虞官貢飛禽之羣鮮

投犀象之

器

又云伊尹饗以五熟之鼎易牙投以犀象之器

原大夫無秩膳

未老者無秩膳

庶人不食珍

禮庶人無故不食珍

服腐腸之藥

耽爽口之味

極口腹之欲

禮不能反躬天理滅矣

窮芻豢之味

春食羊

夏食菽

蔡邕月令論注云但以爲時味之宜不合

冬獻狼夏獻麋

周官注云狼膏

聚煖糜膏散涼以救時之苦也

孟夏以菹食麥

月令云孟夏之月天子乃以菹嘗麥薦寢

廟注曰麥之新氣尤盛以菹嘗之散其熱也

仲夏以雛嘗黍

又云仲夏之月天子乃以

雛嘗黍注曰此嘗雛而食之也

和用醯獸用梅

禮記注云畜與家物自相和亦野物自相

和也 脂用葱膏用薤

禮記注曰脂肥凝者釋者曰膏

狗去腎豚去腦

禮記云狼去腸兔去尻云云注曰為不利人

魚去乙鱉去醜

文公食不

重肉

尹文子云晉國尚奢文公以儉矯之衣不重帛貧不重肉無幾國人皆粗布之衣脫粟之飯

叔敖枯魚之膳

韓子云孫叔敖相楚糲飯菜羹枯魚之膳

廉頗噉肉百觔

發蒙記云廉頗既老日噉肉百斤

倪直一飯五升

鍾離意別傳云殿丘男子倪直勇悍

有力三日一飯
十觔肉五升米飯

何祗大能飲食

益部耆舊傳云何祗家貧為人寬厚

通濟體甚壯大
能飲食之力也

典韋飲噉兼人

魏志云典韋飲食兼人每賜食于前大飯

長歎左右相屬數人
益之乃供太祖壯之

反役與之禮食

左傳云晉侯之弟揚干亂行于

曲梁魏絳戮其僕晉侯以魏絳為
能以刑佐其民矣反役與之禮食

拜官相飾供饌

世說

云過江初拜官相飾供饌羊羣拜丹陽尹客至蚤者並
得佳設日晏漸罄不復及精隨客早晚不問貴賤羊固
拜臨海竟日皆美供雖晚至亦獲盛
饌時人以固之豐華不如舅之真率

襄子方食有憂

呂氏春秋曰趙襄子攻翟勝老人中人使使者來謁之
襄子方食搏飯有憂色孔子聞之曰趙氏其昌乎夫憂
所以為昌也而喜所以為亡也
勝非其難者也持之其難者也

竇嬰病瘵不食

漢書云有

司勳實嬰矯先帝詔按罪當棄市嬰即陽病非不食欲死按非瘋病也非音肥

景公請進煖

食

晏子曰晏子侍于景公朝寒公曰請進煖食對曰嬰非君奉淺也敢辭

桓城就兄索

食

俗說云桓大司馬弟城性能噉食兼數人桓每惡之設必倍豐城食竟復就兄索食

割柔胎

于孕豹

宰潛肝乎豢龍

陸機七微

寒芳蓮之巢龜

曹植七啓

煎雋陵之縹翠

劉劭七華

漱六醴食五芝

馬衍賦云漱六醴之清液

食五芝之茂英

食鳳卵飲甘露

博物志曰軒轅之國民食鳳卵飲甘露

滋味

煎其腑臟

香芳腐其骨髓

苟秩膳之是踰

則常

刑而罔舍

賜食乃進斛餘

南燕錄曰濟南尹鸞身長九尺腰帶十圍貫甲跨馬

不據鞍由銚慕容德見而奇其魁偉賜之以食乃斛餘
德驚曰所散如此非惟能飽且才貌不凡堪為貴人可

以縣試之于是拜逢陵
長政理修明大牧民譽

設食以供行者

後魏書曰崔敬友恭寬接

下循身勵節自景明以降頻歲不登乃置逆
旅于蕭然山南大路北設食以供行者

少施曰

敢傷吾子

禮記孔子曰吾食少施氏而飽少施氏食吾
以禮吾祭作而辭曰蔬食也何敢以傷吾子

性之

子夏曰不為公費

韓詩外傳曰子夏過曾子
食之子夏曰不為公費乎

肉

曰脫之魚曰作之

禮注云皆
治擇之名

民之質矣日用飲食

詩注

曰質成也箋云成平也民事
平以禮飲食相宴樂而已

民之失德乾餱以愆

云失德謂見謗訕也民尚以乾餱之食獲僇過于
人况天子之饌可以恨兄弟乎故不當遠之也

堯

王天下糲梁之食

韓子云堯之王天下也糲梁之食藜藿之羹雖監門之養不厭于此矣

晏子相齊脫粟之食

晏子曰晏子相齊衣十升之布食脫粟之食

食兼

十人一鄉為儉

博物志云魏明帝時京邑有一人食噉兼十人遂肥不能動其父嘗為遠方長

吏送彼往縣令傳食之一二年間一鄉為儉

食斛餘米家至罄貧

齊諧記云江夏

安陸縣隆安之初有一姓郭名坦者兄弟三人其大兒忽得時行病後遂大能食一日食斛餘米其家供給五年乃至

麗姬與王同食芻豢

莊子曰麗姬之與王同匡牀食芻豢

太

子荆軻同案而食

燕丹子云太子嘗與荆軻共案而食同牀而寢

齊地殊芳

越俗通神

孔煒七引云伊尹奉饌易牙調辛齊地殊芳越俗通神

八珍代羞六

飯迭舉

潘尼詩

芻豢既陳異饌並羞

劉梁七舉云芻豢既陳異饌並羞片

藥之調煎炙蒸臠

肴有多品羞以珍名

王粲七釋云肴有多品羞以珍名脯鮪桂

靈玉屑瓊晶繁寒

芳甘百品並仰累重

傅毅七激云芳甘百品並

鮑熱異和殊馨

仰累重殊珍異味厥和不同

嘉旨雜選豐實左右

徐幹齊都賦曰蒸豕臠羔魚鱉

膾鯉嘉旨雜選豐實左右前徹後著惡可勝數

圓案星亂方丈華錯

張協七命云伊

戶夔鼎庖丁揮刀圓案星亂方丈華錯按圓案方丈食器也

味以行氣氣以實志

食浮于人浮于食

浮過也

嵩高石室有自然飲食

嵩高山記云山下巖中有一石室有自然飲食

海內金臺有百味之食

幽明錄云

海內有金臺出水百丈臺上有
機彫文備制上有百味之食也

簞食瓢飲不改其樂

論 蔬食茹菜兄弟怡怡

東觀漢記曰趙孝字長平建武初天下新定穀食貴孝得

穀炊將熟時弟他出至暮始回孝待之同食雖蔬食茹菜兄弟怡怡

牛夜鳴則猶羊冷

毛而毳羶

狗赤股而躁臊鳥鵠色而沙鳴鬱

豕望

視而交睫腥馬黑脊而般臂漏

並禮記注云皆為不利人

舒雁翠

鵠鵠胖舒鳧翠

禮記注云舒雁鵠也翠尾肉也又云鵠尾不盈握不食皆為不利人

雞

肝雁腎鵠與鹿胃

禮記注云炙皆為不利人與脾肺也

原嗜魚

公儀休嗜魚人

獻不受曰吾祿自可致魚受人魚罪奪祿人寧肯饋我

攸好

從厥攸好

大欲

飲食男女

人之大欲存焉

嗜芟

國語屈到嗜芟有疾召宗老而屬之曰祭我以芟及祥宗老將薦芟屈建命去

之曰國君有牛享大夫有羊饋士有豚犬之奠庶人有魚炙之薦邊豆脯醢上下共之不羞珍異不陳庶侈夫

子不以私欲干國之典遂不用

增嗜雞

神錄云合肥人劉最好食雞每則變足置木櫃中膏同澀

盡乃烹之謂之去腥後最病瘍既愈生小雞于瘡癰中每巾櫛必傷痛楚積歲而卒

嗜蟹

錢崑餘杭

人嗜蟹常求補外郡人問所欲曰但得有螃蟹則可

原嗜羊棗

孟子曾皙嗜羊棗曾子不忍食

羊棗

嗜鮑魚

賈誼新書曰太公傅太子發發嗜鮑魚公不與曰鮑魚不登俎不可以非禮食太子

好牛心炙

王右軍

增好食鯽魚頭

梁書臨川王蕭宏好食鯽魚頭嘗曰

進三百餘

原嗜菖蒲

周文

食總載五

原箴宋徐爰食箴曰民之初生有生有食資生順性甘
是黍稷炎皇俶載后稷茂殖三穀既翳五味亦宜潔饗
豐盛滋芬美腴 又箴曰衣服稱誠飲食日歡擊鐘而
舉無使日肝

原贊宋卞範之食贊曰貴粒唯恢火齊食繁新乎井遷
味以懷甘

原啓梁劉孝威謝東宮賜聖僧餘饌啓曰齊桓柏寢之

器周穆軒宮之寶乳糜香飯素糝粳漿五杏七桃靈瓜
仙棗莫不氣馥上天薰流下界石崇芳果金谷僅于萬
株陳湯木滋杜陵幾于千樹猶自高謝珍奇多慚品族
又謝東宮賜淨饌啓曰糜獻牛牧飯出龍宮千品甘
露之食百花珍藥之果餅兼髓乳漿芑蔗榛雕盤流其
滋旨寶器委其包香足使三世長者羞彼識味一角仙
人恥其咒術微物多幸叨奉曲恩性命可捐殊私難荅
陳徐陵謝敕賜祀三皇五帝餘饌啓曰竊以甘泉之

殿舊禮義農長樂之宮本圖堯舜自東京晚世曠代無
聞西漢盛儀復覩今日金壺流十旬之氣玉案備千品
之羞昔絳羅為薦既延王母紫蓋為壇允招太乙同斯
美號理致衆星臣以餘年豫聞清祀如陪瑤席遂飲瓊
漿

原移梁吳均食移曰月光離畢風氣入箕細雨如網細
柳如絲離隔東西之怨眺望山川之阻企龍門而不見
覽桂枝而延佇此乃方寸之恒情羌難得而覩縷也亦

有鮑叔分財華歆讓位乃相知于平生實忘懷于寤寐
難有呼羣之德鹿有食草之美在微物其尚然況仁義
之君子哉今足下居則廣廈高堂連闥洞房綺窓半卷
屏風角張指天地如一指安知故人之可傷一死一生
乃見交情一貴一賤交情乃見謂古昔之恒談在今日
而方見嗚呼如何忘我實多輒欲彈琴繼酒于首陽之
阿君有厨中腐肉而僕不厭糟糠君有雁鶩之食而余
不得一嘗願以小人之腹為君子之腸何如哉今欲君

之餘江臯綠施之筍洞庭紫鬣之魚昆山龍胎之脯玄
圃鳳足之菹千里蓴羹萬丈名膾氣馨若蘭色美如艾
扶南甘蔗一丈三節白日炙便銷清風吹即折安定之
梨皮薄味厚一歲三花一枚二升凡厥上味惟君能施
君若不施成君深累于神為不祥于人為慙義

飯一

增爾雅曰饋餽餼也食飯謂之餽 說文饋饗飯也餽
飯氣蒸也鑽以羹澆飯也饑飯傷熱也饁傷濕也 原

春秋運斗樞曰粟五變以陽化生而為苗秀為禾三變而粢謂之粟四變入臼米出甲五變而蒸飯可食周

禮曰膳夫掌王之食飲

食飯也飲酒漿也

食用六穀

稌黍稷麥粱苽

苽雕胡

禮記曰毋搏飯毋放飯毋流歡毋揚飯飯黍毋

以箸

又曰凡食齊眡春時

飯宜溫齊和調

呂氏春秋曰飯

之美者玄山之禾不周之粟陽山之檿南海之柎潛

夫論曰夫粱飯食肉有好事面目不若糲飯藜蒸之可

食于口也

闕澤九章曰粟飯五十糲飯七十稗飯五

十簋飯四十八御飯四十二 風土記曰精折米十取
七八取淅使青蒸而飯色乃紫紺于東流水飯食與洗
而除不祥 王烈之安成記曰安成郡毛亭往同亭三
十里二亭田疇膏腴厥稻馨香飯若凝脂 東方朔神
異記曰東方有人名黃父以鬼為飯以霧為漿

飯二

原周書曰黃帝始蒸穀為飯 增韓子曰堯糲蒸之飯
尹文子曰晉國奢文公儉以矯之因食脫粟之飯

原韓子曰孫叔敖為令尹糲飯菜羹 晏子春秋曰晏

子相齊食脫粟飯 增列子曰楚王好細腰宮中皆以

三飯為節期年而有黎黑之色 莊子曰宋鉏尹文其

為人太多其自為太少日請置五升之飯足矣 原衛

宏漢舊儀曰齊則食文二人旋案陳三十六肉九穀飯

宗躬孝子傳曰吳人陳遺為郡吏母好食鍋底焦飯

遺在役恒帶一囊每煮食取焦者以貽母 增魏書曰

卞太后左右食菜粟飯 晉書曰殷仲堪在荊州連年

饑饉仲堪食常五碗盤餘肴饌粒落席間輒拾以啗之

又曰石崇家稻米飯在地經宿皆化為螺 又曰孫

盛嘗詣殷浩談論對食奮擲麈尾毛悉落飯中食冷而復煖者數四至暮忘冷竟不言由是知名 原崔鴻前

秦錄曰苻堅以乞活夏默為左鎮郎胡人護磨那為右鎮郎奄人申香為拂蓋郎默等身長一丈八尺並多力善射三人每食飯一石肉三十觔 增宋書曰衡陽王義季都督荊州嘗大蒐于郊有野老帶苦而耕命左右

斥之老人擁耒對曰昔楚子盤遊見譏令尹今陽和扇
氣播厥之始一日不作人失其時今王馳騁為樂驅斥
老人大非勸農之義義季止馬曰此賢者也命賜之食
老人曰吁願大王均其賜也苟不奪人時則一時皆享
王賜老人不偏其賜矣斯飯也弗敢嘗問其名不言而
退 宋東宮儀記曰掌侍臣常食唱飯二人 宋書曰
王仲德與兄叡同起義兵與慕容垂戰敗仲德被重創
走與家屬相失路經大澤困未能去有一小兒青衣年

可七八歲騎牛行見仲德驚曰漢已食未仲德言飢小
兒去須臾復來得飯與之食 梁書曰謝蘭五歲每父
母未飯乳媪欲令先飯蘭終不進舅阮孝緒聞之歎曰
此兒在家則曾子之流事君則蘭生之匹因名之曰蘭
南史曰魚弘為湘東王鎮西司馬述職西上道中乏
食緣路采菱作菱米飯給所部弘過之所後人覓一菱
不得 又曰傅翽代劉元明為山陰令問元明曰願以
舊政告新令尹答曰我有奇術卿家譜所不載臨別當

相示既而曰作縣惟日食一升飯而莫飲酒此第一策

也 又曰裴元禮為豫州刺史居喪惟食麥飯 後魏

書曰盧義僖為都官尚書性清儉不營利雖居顯位每
至困乏麥飯蔬菜亦甘之也 唐書曰太宗謂侍臣曰

朕自皇太子立也遇物必誨見其將飯告以稼穡艱難
不奪農時乃可常有 又曰蔣沆乾元後授咸陽令當
軍旅之後瘡痍未平沆竭心撫綏人得安輯副元帥郭
子儀統兵由其縣誡軍吏曰蔣令幹辦供億固有素士

衆得蔬飯見饋則已無撓清政 仙經曰南岳僧悟空
結廬岳西朱陵洞其處險絕僧遊覽累日捫蘿垂踵無
幽不跡忽有道士坐繩牀僧告以飢困道士歛起指石
地曰此有米乃持鐮剝石深數寸令僧探之得陳米升
餘即著于釜承瀑馱火煮飯勸僧餐一口未熟道士突
曰君餐止此可謂薄我當畢之遂吃硬飯

飯三

原芳荪 奇稂

曹植七啓曰芳荪精稗霜蓄露葵
機七徵曰神皋奇稂嘉禾之穗含滋發

警素頽
玉銳

精漿

濡潤

左傳曰太羹不致粢食不藥杜預注曰不精漿也 傅巽七誨

曰孟冬香杭上秋膏梁離胡荽子丹具東牆濡潤細滑流澤芬芳

脫粟

折杭

漢書曰公

孫弘爲丞相封侯食一肉脫粟之飯祖嘲王朗不能效君昔在會稽折杭米飯朗曰適宜實

難如朗昔者未可折而折

明公今日可折乃不折

饅簋

陪鼎

毛詩曰有饅簋飧有棣棘

匕毛萇注曰饅蒲盧親飧熟食左傳曰宴有好貨食有陪鼎禮之至也

增西旅

東牆

王粲七釋曰西旅遊梁御宿素餐瓜州紅麴參糲相半軟滑膏潤入口流散 下已見前

雲子

雪花

杜甫詩曰飯抄雲子白古詩曰雪花凝碗白

青精

黃梁

青精一名南天燭又

曰黑飯草以其可染黑飯也道家謂之青精飯故仙經云服草木之正氣與神通食青燭之精命不復隕謂此

也杜詩曰豈無青精飯使我顏色好
本草云黃粱穗大毛長其穀米皆粗于白粱而收子少古詩云新炊間

梁黃
玉屑 瓊糜
路見一人衣潔白枕一襪物方眠見

二人且問所自因開襪兩裏皆玉屑飯授與二人曰分
食此雖不足長生可一生無疾乃起與二人指路 楚

詞精瓊糜以為飯按注云精鑿也糜
屑也振糧也言精鑿玉屑以為飯
醉吐 笑噴
宗孟

別傳曰宗為光祿勳大會醉吐麥飯案者以聞詔問食
麥飯意宗答曰臣家止有麥米飯是以食之 蘇軾偃

竹記曰文與可以所畫簞簞谷竹遺予云此竹數尺耳
而有萬尺之勢簞簞谷在洋州與可常令予作洋州三

十韻簞簞谷其一也予詩曰漢川修竹賤如蓬斤斧何
曾赦釋龍料得清貧饒太守渭川十畝在胸中與可是

日與其妻遊谷中燒甯供晚食
發函見予詩失笑噴飯滿案
葉裏 薪炊
陳書云孔奐為

武康令尅日決戰乃令多營麥飯以荷葉裹之一宿之間得數萬裹軍人食訖盡棄其餘世說曰荀公曾在

武帝前上食進飯曰此勞薪所炊也帝密遣問之實用故車脚加餐異飯古詩曰

餐飯又白居易寄元九詩曰憂我貧病身書來惟勸勉上言少愁苦下言加餐飯韓愈送湖南李礎詩風土

稍殊音魚鰕日異飯雕胡滑菰米香杜甫詩飯憶雕胡滑柳宗元詩香春菰米飯

原五里聞香七日不飢魏文帝與朝臣書江表惟長沙有好米作飯五里聞

香異苑云衛士度其母嘗誦經會出自齋空吐飯中下大鉢香飯滿中母分食齋人七日不飢

成蜂隋地為螺葛仙翁傳云仙翁與客對食吐口中飯盡成飛蜂滿屋良久乃張口蜂悉

飛還入口中成飯晉書增木蘭僧鐘邯鄲僊枕衛瓘家人炊飯墮地為螺

唐王播太原人微時客揚州木蘭寺隨僧飯僧厭之飯後擊鐘比播至飯已畢矣播愧恨題詩二句云上堂已了各西東慙愧鬧黎飯後鐘遂去後播鎮是邦復遊寺見前所題詩已碧紗籠矣因續二句云二十年來塵拂面而今始得碧紗籠 邯鄲道上唐開元中呂翁嘗息于此遇少年盧生自嘆貧困時主人方炊黃粱翁以枕授生曰枕此當令子榮適如意生枕之夢抵舍娶崔氏女甚麗隨舉進士歷官中書令年八十卒及寤顧翁在傍主人炊黃粱未熟謝曰先生教我矣

飯四

原雕胡

宋玉風賦云主人之女為臣炊雕胡之飯烹露葵之羹來勸臣食按西京雜記云菰之有米者

長安人謂之雕胡又云會稽人頗餽少失父事母至孝好食雕胡飯常率子女躬自採擷

精稗見

飯

菰梁

劉梁七舉云菰梁之飯入口
叢流送以熊蹯咽以豹胎

莫英

劉公幹清慮賦

云虞氏之饗火珠之甑炊
嘉禾之米和藁英之飯

紅麴

潘尼釣賦云紅麴之
飯糗以菰米五味道

洽餘氣

粉梁

傅毅七激云鳧鵠
之羹粉梁之飯

麤飯

謝承後漢書
曰司馬苞字

芬芳

仲咸為太尉
常食粗飯

乾飯

又云胡助為淮南太守使鈴下閭
外炊暴作乾飯閭內不設釜甑

麥飯

後漢書曰世祖至南宮遇大風雨引車入
道旁空舍對竈燎衣馮異進麥飯充飢

豆

飯

應璩新詩曰竈下炊
牛犬甑中共豆餐

榘飯

吳書袁術在壽春時百
姓飢窮以桑榘蝗蟲為

乾飯

橡飯

郭孔舒在窮記云舒列宛
墓下彭城王送橡飯十斛

一飯

夫差謂勾
踐曰寡人

禮先一飯矣
言已齒長也

再飯

禮記武王侍文王一飯
亦一飯再飯亦再飯

共飯

澤

手

搏飯

致飽之意不廉

勸飯

臣勸如是

放飯

去手餘飯于器中

增申椒

楚詞雜中椒與茵桂

胡麻

劉阮入天台山採藥見澗中有胡麻飯一杯流出因

取食之王昌齡贈米鍊師詩百花仙醞能留客一飯胡麻幾度春

覆甑

物理論云忿熨之未熟覆

甑而棄之所害亦多矣

覆盆

酉陽雜俎云道士許象之言以盆覆寒食飯于暗地上入夏悉化為

蜘蛛亦異事也

一匙

宋史宣仁太后謂呂大防等曰公各去匙一匙社飯明年社飯時思量老身也

吐飯

史記周公一飯三吐哺

賣飯

說苑云呂望行年五十賣飯棘津

飯嗅

通俗文曰飯嗅曰噓沙入飯曰滲

伴飯

貽謀錄云五季軍頭非有軍功皆號伴飯指揮使

秩飯

魚朝恩判國子監賜錢千萬取子錢共秩飯

囊飯

梁書云沈衆芒屨以麻繩為帶又囊

麥飯以嗽之朝士

咸共誦其所為

金飯

謝諷食經有越國公碎金飯

白飯

宋蘇轍詩

曰投壺擊鞠綠楊陰

宰夫掌

周禮宰夫掌朝覲會同賓客以宰禮之法掌其

共畫清尊餐白飯

宰禮委積膳獻飲食賓

增香積飯

類苑云維摩居士遺八菩薩往衆香

賜之殮牽與其陳數

國禮佛言願得世尊所食之餘欲以婆娑世界

清風

施作佛事如是香積如來以衆香盛飯與之

飯

唐有清風飯用水精米龍睛粉龍腦末牛酪漿調事畢下水池冷透進之

原大梁之黍

張協七命曰大梁之黍瓊山之

不周之粟南海之

禾唐稷播其根農帝嘗其華

秬東湖之菰

徐幹七喻曰南土之杭東湖之菰

粒各自分

釋名曰籩分也

衆粒各自分也按籩音分半蒸飯也

成熟為飯

論衡曰穀之始熟曰粟舂之于臼籩去糠蒸于

釜甄舉之以火成熟
為飯乃甘可食也

糲麪若霜

傅玄七謨云彫胡之
菜糲以饗梁香杭九

折糲麪

菰糧雪累

杜預七規云菰糧
雪累斑斕錦文

萬鑿百陶

崔

七依云萬鑿百
陶精細如蟻

既滑且香

桓麟七說云新城之杭雍
丘之梁重糲代熟既滑且

香糲細麪精
芳菲異糧

縹粒赤身

孔煒七引云芳杭彫縹粒
赤身辭柅方穎絕域累臻

鮮若朝雪

孫敏七誘云饒藍藍丹實以
餘糧鮮若朝雪流曜飛芳

散如細蟻

桓麟七說云香糲為飯雜以
梗菰散如細蟻聚若凝膏

御宿青糲

王粲七釋云
乃有西旅游

梁御宿

河內青稻

袁子云河內青稻新城芳
稅彫胡細弱游梁精美

為客

治飯

淮南子云為客治飯而
自蔡蕤食名尊於實也

宮人持飯

四王
遺事

增飢

須索飯

東軒筆錄云宋章惇少善養生嘗云遇飢雖不相識處亦須索飯若食飯時見爺亦不拜

惠州飽飯

黃山谷詩東坡謫嶺南時宰欲殺之飽吃惠州飯細和洲明詩

不妄過飯

漢第五倫字伯魚修行清白嘗召見上曰聞卿為吏不過從兄飯寧有之邪對曰臣生遭饑饉米石萬錢實不

敢妄過

惟堪噉飯

隋文帝謂賀若弼曰我以楊素高類為宰相汝倡言此二人惟堪噉

飯是何意也弼對曰誠有是言上怒甚然思其功特令除名

與令對飯

漢書云薛宣東海郯

人入守左馮翊始高陵令陽湛標陽令謝游皆貪滑不遜持郡短長前二十石數案不能竟及宣視事詣府謁宣設酒飯與相對接待甚協已而陰求其罪脏具得所受取乃密以手書曉之湛即時解印綬付吏為記謝宣終無怨言而標陽令游自以大儒有名輕宣宣獨移書顯責之游得檄亦辭印綬去

與堦同飯

宋張文定公安道平生未嘗不衣冠而食當暑月與其
壻王鞏同飯命鞏褫帶衫帽自如鞏不敢公曰吾自布
衣諸生遭遇一飯皆君賜也享君之賜
不敢不敬乎子自食某之食雖褫衣可也
以備陰雨

守備曰乾飯人
二升以備陰雨

宿歲之儲

時鏡新書曰歲暮家家具
有肴蔌謂為宿歲之儲以

入新年名為送歲留宿飯至新年十二則棄於街衢以
為去故取新除貧取富又留此飯驚蟄雷鳴擲之屋上

令雷
聲遠

原裹飯往食

莊子曰子與與子桑友而霖雨十
日子與曰子桑殆病矣裹飯往食

之

車載餉軍

桓靈寶列傳云桓靈
寶車載飯以餉軍士

精瑤慈以為糧

張衡思立賦云屑玉慈以
為糧兮斟白水以為漿

君未覆手不敢餐

覆手以
循咄餐

勸

客餐主人辭以疏

餐美主
人之食

玄山之梁不周之稻

崔駰
七依

陽山之稌九期之禾

劉劭
七華

會稽之菰萁野之

梁
七張衡
七辨

釋之叟叟烝之浮浮

毛詩傳曰釋漸米也叟叟聲也浮浮氣也箋云

釋之烝之為酒
及薑薑之實

膏液萋萋潤潤流芳

傅玄
七謨

埃墨墮

飯取而食之

家語曰孔子厄于陳蔡從者七日不食子貢糴于野人得米一石顏回仲由炊之于

壞屋之下有埃墨墮飯中顏回取而食之子貢自外望見之以為竊食入問孔子召顏回曰疇昔余夢見先人豈或啓佑我哉子炊而進飯我將祭焉對曰向有埃墨墮飯中欲置之則不潔棄之則可惜回即食之不可祭也

鼠涉飯中捐而不食

論衡

南箕無舌飯多沙糖

易林

大畜之益天女推牀不成
文章南箕無舌飯多沙糖

嬰兒之戲以塵為飯

見總載一

飯五

增詩唐張賁以青飢飯送襲美魯望詩曰誰屑瓊瑤事
青飢舊傳名品出華陽應宜仙子胡麻伴因送劉郎與
阮郎 皮日休答詩曰傳得三元飢飯名大宛聞說有
仙卿分泉過屋春青稻拂霧影衣折紫莖蒸處不教雙
鶴見服來惟怕五雲生草堂空坐無飢色時把金津漱
一聲 陸龜蒙答詩曰舊聞香積金仙食今見青精玉
斧餐自笑鏡中無骨綠可能飛上紫霞端

餐

增適館

詩曰適子之館兮
還子授子之餐兮

下士

古君子行曰周公下
白屋吐哺不足餐

餐錢

漢高后紀賜餐錢注厨膳錢也又通典唐詔丞
相位尊而堂厨未復無餐令日食萬錢之半

廊餐

五代會要曰唐制常參官每朝退賜食謂之廊
餐又宋建隆元年伏退賜食廊下即廊餐也

不素餐

詩彼君子兮
不素餐兮

不能餐

詩維子之故使
我不能餐兮

原

朝服設餐

儀禮云卿致賓
宰夫朝服設餐

晏進糲餐


新序云魏文侯
見其季曰晏進

糲餐之食
瓜瓠之羹

傳餐而食

漢書云韓信欲東擊趙令其裨
將傳餐曰今日破趙會食注曰

餐小
飯也



御定淵鑑類函卷三百八十八

欽定四庫全書

子部

御定淵鑑類函卷三百八十九
九十

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣王彞憲

膳錄監生臣孫鶴年

膳錄監生臣馬世昌

粥粥然也 增又曰寒粥末稻米投寒水中育育然

原說文曰周謂之饘宋衛謂之餠 揚雄方言陳楚之

間相謁食麥謂之養

扶味反

左傳正考父鼎銘云饘于

是粥于是以餠予口 風土記曰天正日南黃鐘踐長

是日始牙動為饘粥以養幼俗尚以赤豆為糜所以象

色也 郭義恭廣志曰遼東赤梁魏武帝以為御粥

南越志曰廬陵城中有井半青半黃黃者甜滑宜作粥

色如金似灰汁甚芬馨 鄴中記曰并州之俗以冬至

日後百日為介子推斷火冷食三日作乾粥中國以為
寒食 涼州異物志曰高昌僻土有異于華寒服冷水
暑啜羅閣郡人呼粥 天文要集曰玉井主粥厨

粥二

原周書曰黃帝始烹穀為粥 增禮記曰齊大饑黔敖
為粥于路有餓者來敖左奉食右執飲曰嗟來食餓者
揚目而視曰予惟不食嗟來之食以至于斯也 史記
曰左師觸龍見趙太后曰食得無衰乎太后曰恃粥耳

吳錄曰朱桓除餘姚長遇疫癘穀食荒貴桓分部良
吏隱親醫藥食粥相繼士民感戴之 王隱晉書曰賊
杜弢下蜀人飢陶侃多作粥以待之于是悉降 世說
曰郝嘉賓三伏之月詣謝公于時炎暑熏赫雖當風交
扇猶沾汗流離謝著故練衣食熟白粥晏然無異 宋
書曰戴顓與兄敦並隱遁有名中書令王綏嘗攜客之
敦敦等方進豆粥綏曰聞卿善琴試欲一聽敦不荅綏
恨而去 蘇書曰宣孝成皇后生高帝高帝年二歲乳

人之乳后夢神以兩甌麻粥與之覺而驚乳因此豐足
後魏書曰崔浩道武季年威風嚴峻官省左右以微
過待罪莫不逃避隱匿自下皆變獨浩恭勤不怠或終
日不歸帝知之輒命賜以御粥 又曰薛真度為豫州
刺史景明初豫州大饑真度表曰別出食米五十斛為
粥救其甚者詔曰真度所表甚有愛濟百姓之意 時
鏡新書曰齊魏收當寒食餉王元景粥因與收書曰始
知令節須御麥粥加之以糖彌覺香冷 蘇軾帖曰夜

飢甚吳子野勸食白粥云能推陳致新利膈益胃

粥三

原擲杯

納橐

郭林宗傳曰林宗嘗止陳國文學兒童

不住夜中命作粥一吸怒而呵之曰為長者作粥使沙

不可食以杯擲地德公更為進之三呵德公安無變容

左傳曰晉人執衛侯寘諸深室寘

屑麴

斧冰

紀

子職納橐鑪馬杜預注云鑪糜粥也

建興中京師饑甚太倉有麴數十麴麴允屑為粥以供

帝

魏武帝苦寒行曰行行日以遠人馬同時飢擔囊

行米薪斧

烹穀

泛膏

上詳粥二張成夜起忽見一婦人立于

宅南角舉手招成曰此地是君家之蠶室我即此地之

神明年正月半宜作白粥泛膏于上以後年年大得蠶

今之作膏
康像此

劉家發盆

尹氏羅鼎

續披神記曰樂安
劉池荀家在夏口

忽有鬼來劉家喜偷食劉即于池家煮治葛取二升汁
密齋還家向夜舉家作粥食餘一甌因瀉葛汁著中于

瓦上以盆覆之人定後聞鬼從外來發盆啖康既須臾
間在屋頭吐遂于此絕錄異傳曰周時尹氏貴戚五

葉不別會食數千人遭饑荒
羅鼎作粥聽之聲聞數十里

增煮茶

屑榆

茶錄吳
人采茶

煮之名茗粥
屏跡不過鄰里
新唐書曰陽城歲饑
粥講論不輟

宰相三種

翰

林一甌
時清異錄曰魏王繼岌每薦羹以羊兔猪鬻參之
盧澄為平章事趨朝待漏堂厨具小饌澄惟

進粥其品曰粟粥乳粥豆沙加糖粥三種並供澄取少
許併和而食厨官遂有王羹亥卯未相粥白玄黃之語

金鑒密記曰白居易在翰林
賜防風粥一甌食之口香七日

祝染夢榜

少游典

衣

昔有姓祝名染者嘗遇歲饑施粥以濟四方之貧者後生一子初赴試染夢一人手持狀元榜豎于門外

上寫四字曰施粥之報未幾有人報其子狀元及第

秦少游為黃本校勘錢穆父戶部尚書皆居東華門少

游遊春日有詩遺穆父云三年京國鬢如絲又見新花

發故枝日典春衣非為酒舉家食粥已多時穆父以米

二石
送之

粥四

原奉饘以祭

孔融列傳云漢末天下荒亂融每旦以饘一盛魚一首以祭

養老行

糜

禮記云仲秋之月養耆老授几杖行糜粥飲食

蜀姬茶粥

傳咸為司隸教云聞南市有蜀

姬作茶粥賣之廉事打破其器物

許婦粟粥

郭子云許允為吏部郎多用其鄉里帝遣虎賁

收之婦云無憂尋
還作粟粥待之

進粥却寒

太公金匱云武王伐紂都洛邑而雪深丈餘師

尚父使人持一器粥開門而進曰天寒故進熱粥以却寒

咄嗟便辦

晉書石崇為客作豆粥咄

嗟便辦王愷不能及每以為恨

朝輔作粥

曹植表云諸老熙朝之輔每作粥食有惟蔬薤

都亭賦粥

謝承後漢書云南陽陸績仕郡戶曹吏時饑荒太守尹興使績于都亭賦民饘粥績悉簡

閱其人訊以名氏六百餘人無有差謬興異之

與國飢者

檀弓云公叔文子卒其子戊請謚于

君君曰昔者衛國凶饑夫子為粥與國之餓者是不亦惠乎

眾分歆之

九州春秋云臧

洪為袁紹所圍糧食已盡主簿啓內厨米三斗使作薄粥眾分歆之

飢寒俱解

東觀漢記云先

武為王郎所追至蕪蕪亭馮異上豆粥明旦謂諸將曰昨得公孫豆粥飢寒俱解

全活甚眾

王薈別傳云薈為吳郡內史其年大饑薈出私財為百姓饘粥全活甚衆

作粥呼之

王隱晉書

云孔恒大作粥置門外呼飢人

食之謂是嗟來皆無往食者

舖粥折齒

焦氏易林云舖粥折

道理失其

郭邑送粥

獻康教云自今郭邑居民死者可令送餌粥

鄰里為

粥

禮記云親始死水漿不入口三日不舉火故鄰里為之糜粥以飲食之

詔誦楚辭每

誦與粥

劉歆七畧云孝宣皇帝詔徵被公命誦楚辭每一誦輒與粥

集諸談士每

自設粥

俗說云晉簡文集諸談士夜坐每自設粥

增散俸

梁書曰任昉為義興太守歲荒

散私俸米豆為粥活三千餘人

飼飢

後魏書曰韋肱字遵顯少有志業年十八辟州主簿時歲饑肱

以家粟造粥以飼飢人所活者甚衆

天下達禮

禮記曰悼公之喪季昭子問于孟敬子曰

為君何食敬子曰食粥天下之達禮也又曰穆公之母卒使人問于曾子如之何對曰申也聞諸申之父曰哭泣之哀齊斬之情饘粥之食自天子達于庶人

旬方為粥

梁書曰庾沙彌母劉氏亡水漿不入

口累日初進大麥薄飲經年旬方為薄粥終喪不食鹽酢

為粥于路

又曰蕭景為南州刺史會

年荒計口賑恤又為饘粥于路以賦之

曹褒致粥

東觀漢記曰曹褒遷將作大匠上聞褒病

使致醫藥糜粥

州門造粥

後魏書曰楊逸為光州刺史時突饑連歲逸欲以倉粟賑給而所司

懼罪不敢逸曰國以人為本人以食為天假令以此獲戾吾所甘心遂出粟然後中表右僕射元羅以下謂公儲難闕並執不許尚書令臨淮王或以為宜貸二萬詔聽貸五萬逸既出粟之後其老小殘疾不能自存活者又于州門造粥飼之將死而得濟者以萬數帝聞而善逸

粥五

增詩唐李商隱答寄賜餠粥詩曰粥香餠白杏花天省
對流鶯坐綺筵今日寄來春已老鳳樓迢遞憶鞦韆

宋蘇軾豆粥詩曰君不見滹沱流澌車折軸公孫倉皇
奉豆粥濕薪破竈自燎衣飢寒頓解劉文叔又不見金
谷敲冰草木春帳下烹煎皆美人萍虀豆粥不傳法咄
嗟而辨石季倫干戈未解身如寄聲色相纏心已醉身
心顛倒自不知更識人間有真味豈如江頭千頃雪色

蘆茅簷出沒晨烟孤地確舂杭光似玉沙瓶煮豆軟如酥我老此身無著處賣書來問東家住卧聽雞鳴粥熟時蓬頭曳履君家去 陸游食粥詩曰世人箇箇學長

年不悟長年在目前我得宛丘平易法只將食粥致神

仙

張文潛有食粥說謂可以延年

又薄粥詩曰薄粥枝梧未死身飢

腸且免轉車輪從來不解周公意養老常須祝鯁人

范成大口數粥行曰家家臘月二十五浙米如珠和豆煮大杓轆鐺分口數疫鬼聞香走無處搜薑屑桂澆蔗

糖滑甘無比勝黃梁全家團樂罷晚飯在遠行人亦留
分祿中孩子強教嘗餘波徧沾獲與臧新元協氣調玉
燭天行已過來萬福物無疵癘年穀熟長向臘殘分豆
粥

糜一

原滿三盃

餘一杯

表弘紀曰獻帝敕侍中劉艾取米五升于御前作糜得滿三盃于

是詔尚書曰米豆五升得糜三盃而人委頓何也括

地圖云羿年五歲父母入山羿年二十能習弓射隨往

每食糜則餘一杯也

三人墮鑊輒焦

二方委火忘簞

錄異傳云周時

尹氏有三人隨廉鏌中輒焦爛廉深故也世說賓客
詣陳太丘宿太丘使元方季方炊客與太丘議論二人
進火俱委而竊聽炊忘著簞飯落釜中太丘問炊何不
饒二子跪曰大人與客語乃俱竊聽炊忘著簞飯今成
糜太丘曰爾頗有所諳不對曰彷彿志之二子俱說更
相易奪言無遺失太丘曰如此但廉自可何必飯也

增縛醉

賜寒

五代史附錄曰東女直能釀廉為酒
醉則縛之而睡醒而後解不然則殺

人元史本紀晉王噶瑪拉嘗出征駐金山會大雪擁
火坐帳內顧謂左右曰今日風雪如是吾與卿處猶有
寒色彼從士亦人耳腰弓矢荷刃周廬之外其
苦可知遂命饗人大為肉糜親嘗以徧賜之

糜二

原作糜食飢者

吳錄云海鹽李壽作糜
以食飢者而不自名

為飢民作糜

漢獻帝紀曰興平元年帝在長安是歲穀一斛五十萬
豆麥一斛二十萬帝使侍御史侯汶出太倉米豆為飢

人作

增噉糜

俗說曰王東亭常之吳郡就汰公宿別
汰公設豆藿糜自噉一大甌東亭有難

康

色汰公強

潰粥

六書曰糜故粥
之潰熟者也

進半甌

糝

原藜羹不糝

莊子云原憲居
魯藜羹不糝

藜蒸不糝

墨子云孔子
窮于陳蔡之

間蒸藜
不糝

無損肉鮓使糝肥羹

神異經曰南方有獸名
無損肉可作鮓使糝肥

羹而咋肉不壞吞之不入糝盡更添肉復作鮓如初愈
美名不盡鮓是也案此獸如鹿豕頭善依人求五穀割

取肉不病
肉自復生

日食百粒以糝藜藿

老子傳云桑虞喪父
毀瘠過禮日食百粒

以糝
藜藿

增米屑

米屑為糝釋名糝
穀也相黏穀也

米粉

禮內則云糝
取牛羊豕之

肉三如一小切之與稻米稻米二肉一合以為餌煎之
注糝米粉也米二肉一米為主肉為輔合以為餌也

掌羞豆

周禮曰醯人掌羞
豆之實醢食糝食

投羹中

正字通曰投粒
羹中亦曰糝

餅一

原劉熙釋名云餅并也溲麥麵使合并也胡餅言以胡
麻著之也 說文曰餅麵飡也 楊雄方言曰餅謂之

飡或謂之饅或謂之饅 增范子曰餅出三輔 原徐

暢祭祀記曰五月麥熟薦新作起漉白餅 崔實四民

月令曰立秋無食煮餅及水溲餅 增餅餌間談曰餅
搜養麥麵所為或合為之入爐熬者名熬餅亦曰燒餅
入籠蒸者名蒸餅入湯烹之名湯餅其他豆屑雜糖為
之曰環餅和乳為之曰乳餅 歸田錄曰唐人謂湯餅
為不托今謂餠飪 青箱雜記曰凡以麵為食煮之皆
為湯餅 盧諶祭義曰春祠用饅頭湯餅髓餅牢丸夏
秋冬亦如之夏祠別用乳餅冬祠用環餅也

餅二

原三輔舊事曰太上不樂關中高祖徙豐沛屠兒沽酒
賣餅商人立為新豐縣故一縣多小人 增漢書百官
表曰少府屬有湯官主餅餌買餅 原又曰宣帝微時
每買餅所從買家輒大售亦以自怪 增抱朴子曰莽
之世賣餅小人皆得等級斗筭之徒兼金累紫 原三
輔決錄曰趙岐避難至北海于市中販胡餅孫嵩乘犢
車入市見岐疑非常人問曰自有餅邪曰販之嵩曰買
幾錢賣幾錢岐曰買三十賣亦三十嵩曰視處士之狀

非賣餅者乃開車後載還家 增魏志曰嚴翰學問特

善春秋司隸鍾繇不好公羊而好左氏謂左氏為大官

而謂公羊為賣餅家 晉書曰王羲之幼有風操郝虞

卿聞王氏諸子皆俊才令使選壻諸子皆飾容以待客

羲之獨坦腹東牀嚙胡餅神色自若使具以告虞卿曰

此真吾壻問為誰果是逸少乃妻之 齊書曰明帝儉

約大官進餅帝曰我食此不盡可四片破之餘充晚食

後魏書曰胡叟不治產業常苦飢貧能不以為恥養

子字螟蛉常作布囊容三四斛飯噉醉飽便盛肉餅以付之螟蛉見車馬榮華者視之蔑如也 後周書曰王

熊鎮海東日嘗有臺使至為設食使乃裂去薄餅緣熊怒曰耕種收穫其功已多舂爨造成用力不少如是選擇當是未飢命左右撤之使者大慙 北齊書曰庫狄伏連為大將軍性鄙吝冬至日有親表稱賀其妻設豆餅連大怒 南部新書曰李英公為相有鄉人過宅為設食客去餅緣公責之客大慙 明皇雜錄曰上乘步

輦從複道窺見衛士食畢以餅餌棄水竇中上大怒命
高力士杖殺之上方震怒左右莫敢言者寧王從容謂
上曰從複道窺見獲衛士之過而殺之恐人臣不能自
安又失大體陛下志在勤儉愛物惡棄於地奈何性命
至重重于踐飡者乎上蹶然大悟赦之 成原化記
曰賀知章嘗謁賣藥王老問黃白術持一大珠與之老
人得珠即令易餅以與賀食賀心念寶珠何以市餅口
不敢言老叟曰慳吝未除術何日成 柳氏舊聞曰肅

宗為太子時嘗侍膳尚食置熟俎有羊臂臠上顧使太子割餘污漫刃以餅潔之上熟視不憚肅宗徐舉餅啖之上甚悅謂太子曰福當如是愛惜 隋唐嘉話曰劉晏五鼓入朝時寒中路見賣胡餅乘熱氣使人買之以袖包啖謂同列曰美不可言 唐摭言曰宣宗賜韋澳孫宏銀餅餽食之甚美皆乳酪膏腴之所為 唐書曰僧萬迴閩鄉人也詆諧似狂發言屢中其兄戍邊五載母思之萬迴年幼請詣兄所策竹馬去經宿而返白母

曰兄還矣請辨餅更往迎之數日持襖乃戍子衣也尋而予至母大驚清異錄曰湯悅逢士人于驛舍士人揖食其中一物是爐餅各五事細味之餡料不同以問士人歎曰此五福餅也又曰郭進家能作蓮花餅餡有十五隔者每隔有一折枝蓮花作十五色自云周世宗有故宮婢流落因傳此法婢言宮中人號蕊押班

餅三

原下乳 曼頭

范汪祠制曰夏薦下乳餅臘孟秋下
省瑞孟冬祭下水引 下詳餅一

麵起

水引

蕭子顯齊書曰永明九年正月詔太廟四時祭薦宣皇帝麵起餅又曰何戢為司

徒左長史太祖為領軍與戢來往數置歡宴上好水引餅戢令婦女躬自執事以設上焉

十字

一筭

王隱晉書曰何曾尊豪累世蒸餅上不作十字不食東觀漢記曰光武問第五倫曰聞卿為市掾

有人遺卿母一筭餅知從外事來奪之母遂探口餅出之倫對曰實無此衆人以臣愚蔽故為此言者也

薄夜

亥日

荀氏四時列餅傳曰春祠有曼頭餅夏祠以薄夜代曼頭無能作以白環餅夏

雜五行書曰十月亥日食餅令人無病

進壺公

遺王悅

葛洪神仙傳曰壺公者從

遠方來賣藥常懸一壺于坐上每日入後跳入壺市掾費長房于樓上見之知非常人也身為掃除并進餅公令長房共跳入壺但見樓觀五色重門閭道侍者數十人謝焯宋拾遺記曰卿瑯琊王悅少厲清操亮有風檢

為史部郎部省有會同者遺悅餅一甌辭竟不
受曰所費誠復小小然少來不欲當人之惠

劉子

揚知鹽何平叔疑粉

皇甫謐玄晏春秋曰衛倫以即
應會于京師過子而論及于味

倫稱魏故侍中劉子揚食餅知鹽生精味之至也子曰
昔師曠識勞薪易牙別淄澠子揚之妙抑未平倫曰晉
師曠易牙古之精也魏之子揚今之妙也子何問焉
語林曰何平叔美姿儀面絕白魏文帝疑其著粉後正
夏月喚來與熱餅噉之汗出隨以
朱衣自拭色轉皎潔帝始信之

增貸萬錢惠一

顯劉伯芻巷口有鬻餅者每當鑑謳歌一旦劉情其貧
貸以萬錢自是不聞歌聲心計轉粗不暇唱渭城矣

晉陽秋曰王歡耽學貧窶或人患
蒸餅一顆以充一日婁子常有菜色

五色二儀

陽

雜俎曰刻木蓮花藉禽獸形按成之累積五色
錄曰開元中長安物價大減兩市賣二儀餅一錢數對

銀線

玉英

山谷詩湯餅一杯銀線亂
有道人持湯餅語人曰此玉英粉食之

廣異記曰

七日當羽化

拭手

鳴牙

唐書曰宇文士及嘗割肉以餅
拭手大宗屢目陽若不省徐啗

之其機悟率類此

退耕錄曰許康年謁劉
游贈鳴牙餅千枚雖微物助厨中兩日之費

封以聞

袖而食

孔帖曰高元裕凡少逸出為陝就觀察使有
中人責陝右驛使供餅急鞭之少逸封餅以

聞憲宗怒召使者責曰山谷問是餅豈易得邪謫隸恭
陵于是中人皆斂手常朝記于琮在班中有时袖餅

而食或遺同列

拭刀

捲筋

上詳餅二歸田錄曰晏元獻
消瘦如削每折半餅以筋捲之

抽筋就內捻頭一莖食之此亦異于人也

豚耳

羊肝

東晉餅賦曰若夫
安乾拒救之倫豚

耳狗舌之屬劍帶案成餽餽髓燭或名生于里巷或法
出乎殊俗荆門歲節記曰洛陽人家重陽作羊肝餅

玉屑

瓊肌

上詳吳均餅說餅詩炊裂瓊肌十字香

東坡

作賦

成詩

上詳後餅四

撫言曰段維

智嗜煎餅一餅熟成一韻詩

餅四

原通冬達夏終歲常施

充虛解戰湯餅為最

並見東哲餅賦

雀瑞

范汪祠制云秋薦雀瑞餅冬薦白環餅

榱木作餅

吳錄曰交趾有榱木其內

有白未屑就水淋之如麵可作餅

臠雞為餅

見庾闡惡餅賦

手紫迴而交

錯

見東哲賦

披素麵之揮霍

杜預七規云膳夫騁伎飄忽若仙披素麵之揮霍若將絕

而復連

遊水清引

飛羽薄衍

傅玄七謨曰乃有三壯之和羹麤賓之時麵忽

遊水而清引進
飛羽之薄衍

弱似春綿

見東哲賦

細如委綖

弘君舉食概云

催厨人作茶餅熬油煎葱澀茶以綯當用輕羽拂
取飛麵剛軟中通然後水引細如委綖白如秋練

三

牲之和

博玄七謨見上

五内香芳

吳時外國傳曰大秦國以麵為集餅五内香芳

濯以玄醢

鈔以象箸

東哲賦

停食作賦

諸葛恪別傳云孫權常饗

客設餅恪停食
索筆作參賦

車下自進

京兆舊事云蕭彪為巴郡守父老歸供養父嗜餅從

至市立車
下自進之

饋餅一筭

後漢樊豐與世祖少游舊徵還河東都尉引見雲臺世祖徵時

嘗以事拘新野聘為市吏饋餅一筭帝不忘乃賜御服
及乘與衣物因戲之曰一筭餅得都尉何如聘頭首辭

謝

格餅三播

東哲近遊賦云格餅正于三播

文侯印綬易餅

魏畧云

祖問丁斐曰大侯印綬何在
斐對曰以易餅耳太祖大笑

別駕蹲地齧餅

王隱晉書云王

長文字德叔州辟別駕佯狂不詣
乃蹲地齧胡餅州知不至乃止也

張桂賣胡餅

廷尉決事

云張桂私賣胡餅後為蘭臺令

湯官主餅餌

見餅二

畫地為餅

盧毓言有

名士如畫地為餅不可啖食

增槐芽

蘇軾詩青浮卵盃槐芽餅紅點永盤藟葉魚

縮

葱為餅

侯思止食籠餅必令縮葱加肉號縮葱侍郎

糴米為餅

唐王世充為秦王所

圍糧且盡人相食至以水汨泥去礫
取浮土糴米屑為餅尚書郎皆餓死

懷餅鈔書

却掃編趙

暖字德進宋城人治易聞龔深甫易解新出考城一士
人家存之徒步獨攜餅數枚以行主人館之暖晝夜寫

錄飢嘆所攜之餅數日而畢

脫半臂易餅

唐玄宗皇后王氏始以愛弛不自安後承問后

泣曰陛下獨不念阿忠脫紫半臂易麵為生日湯餅邪帝為憫然改容阿忠者后呼其父仁皎云

棄

之垣外

楊瑤光歷沔綏二州刺史姆饋孺子以餅妻偽受而棄之垣外人稱其廉

置之屋

上

拾遺記曰江東俗正月廿四日為天穿日以紅縷繫煎餅置屋上謂之補天穿

杖子

隋庾士

文為貝州刺史其子啖官厨餅杖二百

乞兒

時鏡新書曰四月八日長沙市肆之人無子者供寺

閣下羊肉薄餅結願以乞兒往往有驗

食餅去皮

鄭澣以儉素自居尹河南召甥姪與之會

食有蒸餅鄭孫去其皮而後食之澣大嗟怒謂曰皮之與中何以異也僕嘗病澆俗驕侈自奉奈何置浮甚于五侯家綺紈兒也邪因引手取所棄者

賜餅束綾

唐紀

帝幸南內興慶池方食餅餠時進士在曲江有聞喜宴命御厨各賜一枚以紅綾束之徐演詩莫欺老缺殘牙

齒嘗吃紅
綾餅饅來

起餅

齊民要術有餠餹篇云餠餹滑而美
按餠餹起餅也發酵使麵輕高浮起

炊之賈公彥以
為起膠餅也

啖將

韻府曰崔承慶云諸將皆嗜
利者以一漿十餅啖之去矣

饋母

後周書曰樊深以父遇害因避難墜崖傷足絕食
遇得一簞餅欲食之然念繼母年老患痺夜中匍

匍尋覓母得相見因以饋母還復
道去改易姓名游學于汾晉之間

見風消

潛確類書
見風消油

俗餅

可映字

清異錄曰金陵士大夫鼎鑪
有七妙餅可映字其一也

同阿

又曰

天成中帝令作同阿餅法用碎肉與
麵渡和如臂刀裁每是二寸厚蒸之

六朝呼餅

齊王

鈞母病不食五色餅
注六朝人呼餅為餅

蜀人呼餠

李肇饒語詩拈餠
指不知休注蜀呼蒸

餅為

櫻桃餠

小說唐宰相有櫻桃會厨食之精者
有櫻桃餠今北人喚為波波南人

喚為
磨磨

蓮花餅餠

見餅
二

餅五

增詩明申時行立春日賜百官春餅詩曰紫宸朝罷聽
傳餐玉餌瓊肴出大官齋日未成三爵禮早春先試五
辛盤迴風入仗旌旗暖融雪當筵七箸寒調鼎十年空
伴食君恩一飯報猶難 顧清次韻桂餅詩曰寶鈿和
露壓金英為趁秋光一日成月殿有人留素影花林無
物稱佳名攜來不覺鄉關遠吟罷猶令客夢清茗椀酒

孟皆可意好將新歲作傳生 吳寬油餅詩曰膩滑津
津色未乾聊因佳節助杯盤畫圖莫使依寒具書信何
勞送月團曾見范公登雜記獨逢吳客勸加餐當筵一
嚼誇甘美老大無成憶胆丸

原賦晉束皙餅賦曰若夫三春之初陰陽交際寒氣既
除溫不至熱於時享宴則曼頭宜設炎律方回純陽布
暢服締飲冰隨陰而涼此時為餅莫若薄壯商風既厲
大火西移鳥獸執毛樹木疏枝肴饌尚溫則起漉可施

玄冬猛寒清晨之會涕凍鼻中霜凝口外充虛解戰湯
餅為最然皆用之有時所適者也苟錯其次則不能斯
善其可以通冬達夏終歲常施四時從用無所不宜惟
牢丸乎爾乃重羅之麴塵飛白雪膠黏筋韌滌液濡澤
肉則羊膀豕脇脂膚相半嚮如蛇首珠連礫散薑枝葱
本萃縷切判辛桂挫末椒蘭是灑和鹽漉豉攪和膠亂
于是火盛湯湧猛氣蒸作振衣振裳握搦拊搏麴彌離
于指端手縈廻而交錯紛紛駁駁星分電落籠無逆肉

餅無流麵姝媿冽軟薄而不綻弱如春綿白若秋練氣
勃鬱以揚布香飛散而遠徧行人垂涎于下風童僕空
噍而斜盼擎噐者舐唇立侍者乾咽 庾闡惡餅賦曰
范子常者嘗造予宿臞難為餅遍食之情甚虛竒嘉之
味不實聊作惡餅賦以釋之若乃董盧飛名于華肆和
均絕技于俗廛王孫駭歎于曳緒東子賦弱于春綿色
必霜葩雪皓肉則錦朱雲嫺

原說梁吳均餅說曰宋公至長安得姚泓時故大官丞

程李者了了人也公曰今日之食何者最先季曰仲秋
禦景離蟬欲靜變變曉風淒淒夜冷臣當此景惟能說
餅公曰善季乃稱曰安定噎鳩之麥洛陽董德之磨河
東長若之葱隴西舐背之犢袍罕赤髓之羊張掖北門
之豉然以銀屑煎以金鉚洞庭負霜之橘仇池連蒂之
椒調以濟北之鹽剉以新豐之雞細如華山之玉屑白
如梁甫之銀泥既聞香而口悶亦見色而心迷公曰善

板

即料又餅案六
朝人呼餅為餅

增荆楚歲時記曰三月三日取鼠趨草汁蜜和為粉謂

之龍舌料

音板

齊書曰虞悰少以孝聞父病不欲見人

雖子弟亦不得前時悰年十二三晝夜伏戶外問內消息未知輒鳴咽流涕如此者百餘日及亡終喪惟食麥

料一枚

囊麥噉

南史曰沈眾陳武帝時兼起部尚書監起太極殿恒布袍芒屨以麻繩為

帶又囊麥料以噉

合米糲

夏統別傳注曰蘇初生合米搗作料

糲

即餹按蜀人呼餅為糲

增膏糲

埤蒼曰餹膏糲也

糖糲

時鏡新書曰龍山食有糖糲菊酒

餠飪

五代史李茂真傳作不托王闢之
池水燕談作餠飪其為餅一也

增猗覺寮雜記曰北人食麵名餠飪 揚雄方言曰餅

謂之飪 齊民要術曰麥麵堪作餠飪 宋范堯夫謫

居永州與人書曰此中麵無異北方每日餐餠飪不知

身之在遠 朱子丞相書曰安得食此無麵之不托

糗糒

原時乃糗糧

尚書云時乃糗
糧無敢不逮

以待賓位

崔實四民月
令曰四月可

以作棗糒
以待賓位

羞邊之實雜用之下

儀禮云主婦反取羞
于房中執棗糗坐設

之東在稷南糗在巢南按鄭注云東饋食之邊糗蓋邊之實雖用之下賓尸也

囊精賜士

列女

傳云楚子發破秦而歸其母閉門不內使人數之曰子不聞越王句踐之伐吳客有獻一囊糗補者王以賜軍士分而食之甘不踰鹽而戰目十也今子為將士卒併分茲粒而食之子獨朝夕芻黍黍梁何也

米

精給軍

東觀漢記云上園郎鄧未下彭寵遺米補魚鹽以給軍糧由是破邯鄲

持糗相

待

漢書云李陵擊匈奴兵敗令軍士持二升糗一半水期至遮虜鄣者相待

懷糗而往

理物

論云呂子義常往友人處存省恤具設酒食懷乾糗而往

行齋乾糗

東觀漢記云賀元為九江

太守行齋持乾糗

恒食乾精

謝承後漢書曰沈景為河間相恒食乾精又會稽典錄云陳修

家質為吏

奉糗一斛

東觀漢記云嚴尤擊江賊世祖奉糗一斛脯三十朐

取

恒食乾糗

精一升

魏畧云寒貧有石德林者車騎將軍郭淮以意氣呼之問其所欲亦不肯言淮與補脯及衣財

石取脯一胸
補一升而已

增持米精

後漢書曰趙孝兄禮為餓賊所得孝聞之即自縛詣賊曰

禮久餓羸瘦不如孝肥飽賊大驚並放之謂曰可且歸
史持米補米孝求不能得復往報賊願就烹眾異之遂

不害卿黨

春糗芳

楚詞九章曰播江離與滋菊兮願春以為糗芳

道進

左傳

曰陳轅頗出奔鄭道渴具族
轅咥進稻醴梁糗暇脯焉

船載

韓愈送窮文曰草船載糗

止

樹下食

東觀漢記曰張禹巡行守舍止大樹下食糗乾飯

使長史遺

史記李廣傳大

將軍使長史
持糗膠遺廣

乾食

說文曰糗乾食也糗熬米也

磨散

釋名曰糗齏也飯而

磨散之使
齏碎也

糴一

增包金粘玉

吳子和端午詞角黍包金香蒲切玉章簡公詩九子粘蒲玉粽香

原

菰葉裹黍

竹筒貯米

風俗記云俗以菰葉裹黍米煮令爛熟于五月五日及夏至日

啖之一名糴一名角黍
汨羅而祀楚人哀之每至此日取竹筒貯米投以祭之

糴二

原汨羅遺風

漢建武中長沙區迴于五月五日忽見士人自稱三閭大夫謂迴曰君當見祭但常

所遺俱為蛟龍所竊今君忠可以楸樹葉塞其上以絛絲纏縛之此二物蛟龍所憚也迴謹依旨今世人五日

作糴并帶楸葉及五

絛絲皆汨羅遺風

南土所珍

宋書云後魏太祖至彭城求酒并甘橘孝

武帝致螺
杯雜糴

盧循遺糴

晉書云廣州刺史盧循遣使遺劉裕益智糴裕谷以饋命湯

李彪設糴

齊書云范雲永明十年使魏魏人李彪宣命至雲見彪美設甘蔗甘糴隨畫復益

增射粉團

唐官造粉團角黍以小角弓射之中者得食

傳九子

王禹玉端陽皇

后閣帖爭傳九子粽里祚續千秋按糴子形不一有角糴雕糴菱糴筒糴秤槌糴九子糴

連昌歎

蘇子瞻詞菰黍連昌歎

庾家糴

庾家糴子白瑩如玉

糴三

增詩明莊景端午食賜糴有感詩曰蓬萊宮中懸艾虎
舟滿龍池競簫鼓千官曉綴紫宸班拜向彤墀賀重午

大官角黍菰蒲香綵繩萬縷紅霞光天恩敕賜下丹陛
瑤筵脩以黃金觴東南米價高如玉江淮餓莩千家哭
官河戍卒十萬艘總向天厨挽飛粟君門大嚼心豈安
誰能持此回凋殘小臣自愧悠悠者救時無術真素餐

糒糒

原蜜作糒糒

楚詞曰糒糒蜜餌有餠餠些注曰糒糒環餅也其謂之膏環亦謂之寒具餠餠餠也

言以蜜和米麴熬煎作糒糒搗黍作餌又有美餚衆味甘美也

箸刺糒糒

異苑云張騫永初中

喪于都司馬茂往哭見騫憑几而生以箸刺糒糒食之

增可留

糒糒蜜和米麴煎之作之冬春

成者可留數月寒

食禁烟時用也

易散

齊民要術名環餅粉和麵牽索捻成象環釧形廣雅謂之

糲饊今通名饊子饊易消散也

葛方

葛洪肘後方名捻頭捻具頭也

寒具一

原寒具不入

張逸道令曰閉口寒具不得入通俗文云寒具謂之餲

寒具致敬

桓譚新論云孔子匹夫耳而卓然名著天下莫不以牛羊雞豕而祭之下及酒脯寒具致敬而去

增

會客不設

桓靈寶具法書名畫請客觀之客有食寒具不濯手而執書畫固有浣玄不憚自是會客

不設寒具

食宜濯手

宋人小說以寒具為寒食之具即閩人所謂煎脯以糯粉和麪油煎沃以

糖食之不濯手則能汚物

寒具二

增詩唐劉禹錫寒具詩曰纖手搓來玉數尋碧油煎出嫩黃深夜來春睡無輕重壓匾佳人纏臂金

麵

原麥末

說文云麵麥末也彌煎切

麥屑

韻學集成云麵莫見切麥屑也亦作麩麩食作麵

麩肉

王卽上劉纂等撰補曰左中卽樂林得纂麩肉共啖湯餅

搜麩

詳見餅一

麩

餐

詳見餅一

枕榔麩

蜀都賦云麩有枕榔

細麩

蒼頡解詁麩細麩也

增重

羅

東哲餅賦重羅之麩塵飛雪白

巨源簞

韋巨源食簞有婆羅門高麩

蓬子麩

唐食貨志曰
蓬子為麪

麵二

增詩宋陸游朝飢食齏麪甚美詩曰一杯齏餽飫老子
腹膨脝坐擁茅簷日山茶未用烹 又曰一杯齏餽飫
未著芼油葱天上蘇陀供懸知未易同 明程敏政傳
家麪食行曰傳家麪食天下工製法來自東山東美如
甘酥色瑩雪一匕入口心神融旁人未許窺炙釜素手
每自開蒸籠候鯖尚食固多品此味或恐無專功并洛

人家亦精辨斂手未敢來爭雄主人官屬司徒公好客
往往尊壘同我雖北人本南產飢腸不受餅餌充惟到
君家不須勸大嚼頗懼冰盤空膝前新生兩小童大者
已解呼乃翁願君飭餽常加豐待我醉攜雙袖中

麤

原煮麥曰麤

釋名云煮麥曰麤麤
餗也煮熟則麤壞也

甘麤殊美

急就章
云甘麤

殊美奏諸君按蒼頡解詁曰麤
煮麥也又說文曰麤來年麥也

胡飯

原相國兼御

傅玄樂府胡飯兼御相國食前方丈殊珍

貴戚競為

續漢書曰靈帝

好胡飯京師貴戚皆競為之

冷淘一

增切以吳刀

野狐泉一妙善製水花冷淘切以吳刀淘以洛酒滌葉于鑑耳中過投于湯其疾徐

鳴掌趨之不及富子攜金就食之

苦于嗜麪

河東備錄曰并代人苦于嗜麪滌斗貯之老幼

自以多寡取之至飽

冷淘二

增詩唐杜甫槐葉冷淘詩曰青青高槐葉采掇付中厨

新麪來近市汁滓宛相敷入鼎資過熟加餐愁欲無碧
鮮俱照筯香飯蕪苞蘆經齒冷于雪勸人投比珠願隨
金騾裊走置錦屠蘇路遠思恐泥興深終不渝獻芹則
小小薦藻明區區萬里露寒殿開冰清玉壺君王納涼
晚此味亦時須

餌一

增方言曰餌謂之糕或謂之粢或謂之飴或謂之餹或
謂之飢 釋名曰餌而也相黏而也兗豫曰溏決就形

之名也 玉篇曰饘餌餌也 徐鍇曰釋名烝燥屑餅
之曰饘非也粉米烝屑皆餌也非饘也 許慎曰饘稻
餌也謂炊米爛乃搗之不為粉也粉饘以豆為粉糝饘
上也餌則先屑米為粉然後漉之饘之言滋也餌之言
堅潔若玉餌也

餌二

增道遺

風俗通曰汝陽彭氏墓近大道有一石人田家
老母到市買數斤餌以歸過蔭墓樹下以餌著

石人上忽去而忘之行道人見餌怪問之或調云此石
上有神能治病病愈者以餌來謝之轉以相語云頭痛

者摩石人頭腹痛者摩石人腹遂十里來就號曰賢君
如此數年前遺餌母聞之為人說之乃無復往禱者

朝齋

梁書曰宋異好飲食極滋味聲色子鰲魚
鰭不輟于口雖朝謁從車中必齋飴餌

餽飩一

增食物志曰餽飩或作餽飩象其圓形 唐高懌羣官

解頤云嶺南地暖其俗入冬好食餽飩往往稍暄食須

用扇至十月旦率以扇一柄相遺書中以吃餽飩為題

故俗云踏梯摘茄子把扇食餽飩 南越志曰閩人十

月一日作京飩祀祖告冬 程大昌曰餽飩出于混氏

屯氏 清異錄曰金陵士大夫家事鼎鑪餛飩湯可注
研 又曰蕭家餛飩可以淪茗 宋陸游詩曰蒸餅猶
能十字裂餛飩那得五般來 元方回詩曰爭似梢工
留口吃秀州城外鴨餛飩

饅頭一

增莫瀘水

三國志曰諸葛亮平蠻回至瀘水風浪橫起
兵不能渡回報亮亮問孟獲曰瀘水源徠神

為禍國人用七七四十九顆人頭並黑牛白羊祭之自
然浪平靜境內豐熟亮曰我今班師安可妄殺吾自有
見遂命行厨宰牛馬和麪為劑塑成數人頭着目皆具
內以牛羊肉代之為言饅頭莫瀘水岸上孔明祭之祭

罷雲收霧捲波浪
平息軍獲渡馬

索駝臍

正字通餛開首者曰索駝臍吳下呼餛餹請作搗詐

言熟食之肥也

子母饅頭

南唐有子母饅頭

誕日包子

燕翼貽謀錄仁宗誕

日賜羣臣包子即饅頭

玉柱

灌漿

皆饅頭之別名也

饅頭二

增詩宋陸游食野味包子詩曰珍餉貧居少寒雲萬里
寬疊雙初中鵠牢九已登盤放箸磨便腹呼童破小團
猶勝灤西老菜把仰園官

釘餛

增正字通曰唐少府監御饌用九盤裝繫名九釘餌

俗今

燕會結果列席前曰看席釘生古稱釘坐謂釘而不食者

又曰明光祿寺凡供用

內府醺祭果品用簇釘就工滋費孝宗命改散裝曰奉

天格祖在誠敬不在侈美後以為例 韓愈南山詩看

核粉釘餌

糕

增資粉

周禮疏云羞籩之實糗餌粉資鄭箋云今之蜜糕餌

九日糕

歲時記民間九日以

片糕搭小兒頭上乳母祝云百事皆高又糕上置小鹿數枚號食祿糕

八月糕

夢華錄曰京師

八月秋社以社酒社糕相賚送

棗糕

藝苑雌黃曰寒食以麴為糕若蒸餅樣以棗附之名棗糕

花糕

唐武則天花朝日遊園令宮女采百花和米搗碎蒸糕以賜從臣又趙宋九日以花糕法酒賜近臣

師德不食

嘉話錄曰素師德給侍中高之子也九日出糕謂坐客曰某不思食糕俛首者久之

以父名高故耳

夢得罷題

野客叢書曰劉夢得嘗作九日詩欲用糕字思六經中無此字遂止

故宋景文九日詩曰劉郎不敢題糕字虛負詩人一世豪

豐兆

隋五行志重謠云七月刈禾傷早九

月食糕正好言豐年之兆也

寶階

松漠紀聞曰金國重陽有寶階糕

花糕負外

清異錄曰皇建僧舍傍有糕坊主人由此入貲為員外官都人呼花糕員外

嘗赤棗糕明

啟詩曰故園莫憶黃花酒內府初嘗赤棗糕

肉一

原許慎說文曰肴雜肉也醢漬肉也臠宗廟熟肉也

增釋名曰熟肉有骨曰肴大臠曰臠詩曰嘉肴脾臠

豚口上肉也

原周禮凡王之好賜肉脩則饗人供之

注好賜王

所善而賜之

禮記曰濡肉齒決乾肉不齒決又曰為熬

捶之去其皽

音展

編萑布牛肉馬屑桂與薑以灑諸上而

鹽之乾而食之欲濡肉則釋而煎之以醢欲乾肉則捶

而食之又曰肉曰胾之

剝其皮也

穀梁曰胾俎實祭肉也

生曰脹熟曰臄蓋社肉也 家語曰夫食肉者勇悍

戰國策曰晚食以當肉緩步以當車 增韓子曰夫百

日不食以待梁肉餓者不育令堯舜之賢乃治當世之
民是猶待梁肉而救餓之說也 呂氏春秋曰肥肉厚

酒務以相強命之曰爛腸之食 原揚雄方言朝鮮冽

冰之間凡暴肉及牛羊五臟謂之膊 增太玄經曰明

珠彈于飛肉 原桓譚新論曰關東鄙語曰人聞長安

樂出門向西笑知肉味美則對屠門而大嚼 曲畧曰

凡宗廟三歲大祫每太牢分之左辨上帝右辨上帝后俎
餘委肉積于前數千斤名堆俎 增珍羞紀要曰鴻荒
之世茹毛飲血其漸也古者一為籩豆二為賓客三為
充君之庖故非祭祀不肉非燕饗不肉非玉食不肉
萬花谷曰南蠻釋利佛逝處有獸類野豕角如山羊名
曰雩肉味美以饋饗 博物志曰食燕肉不可入水為
蛟所吞龍肉以醢則文章生 廣志曰北方有牧草便
于其蓄故北方出美肉

肉二

原左傳曰晉侯與齊侯投壺晉侯曰有酒如淮有肉如

抵齊侯舉矢曰有酒如澠有肉如陵

詳酒

增墨子曰孔

子厄于陳蔡子路烹豚孔子不問肉所由來食之 劉

向新序曰趙簡子使者聘孔子于魯以胖牛肉迎于河

上使者謂船人曰孔子即上船河安流而殺之孔子至

使者致命進胖牛之肉孔子仰天而歎曰美哉水乎洋

洋也使丘不濟此水者命也夫 韓子曰田成子殺一

牛取一豆肉餘以食士 燕丹子曰荆軻入秦過陽翟

買肉爭輕重屠辱軻舞陽欲擊軻止之 原漢書曰伏

日詔賜從官肉大官丞日晏不來東方朔獨拔劍割肉

謂其同官曰伏日當蚤歸請受賜即懷肉去大官奏之

朔入上曰昨賜肉不待詔以劍割肉而去何也朔免冠

謝上曰先生起自責也朔再拜曰朔來朔來受賜不待

詔何無禮也拔劍割肉一何壯也割之不多又何廉也

歸遺細君又何仁也上笑曰使先生自責乃反自譽賜

酒一石肉百斤歸遺細君 又曰鮑宣云公奈何獨私

養外親幸臣董賢多賞賜賓客漿酒藿肉

視酒如漿
視肉如藿

增又曰黃霸潁川太守使吏出不敢舍郵亭食于道傍
烏攫其肉民有欲詣府言事者適見霸與語道此後日
吏謁見霸迎勞之曰甚苦食于道傍乃為烏所攫肉吏
大驚 東觀漢記曰太尉趙憙聞魯恭志行每歲時遣
子送酒肉辭讓不敢當 又曰卓茂為密令民有言亭
長受其米肉者茂問之曰亭長從汝求乎有事與之自

以恩意遺人乎民曰自遺之茂曰人異于禽獸者以有仁愛也亭長素為善吏歲時遺之禮也謝承後漢書

曰李長家晝則躬耕夜則讀書日為母市斤肉梁米作食後漢書曰李充延平中詔公卿中二千石各舉隱士大儒務取高行以勸後進充為博士遷侍中大將軍鄧騭貴戚傾時無所下借以充高節每卑敬之嘗置酒請充賓客滿堂酒酣騭跪曰幸托椒房位列上將幕府初開欲辟天下奇偉以匡不逮惟諸君博求其器充乃

為陳海內隱居懷道之士頗有不合隲欲絕其論以肉
啖之充抵肉于地曰說士猶甘于肉遂出徑去隲甚望
之 又曰茅容迎徐孺子為沽酒及市肉為穉飲食郭
泰曰孺子清廉高潔而為李偉飲酒食肉此為知李偉
之賢故也 太康起居注曰尚書郭奕有疾曰賜酒米
各五升猪羊肉各一斤石崇崔亮母疾賜清酒粳米各
五升猪羊肉各一斤半 吳志曰趙達嘗過故知取盤
中隻箸再縱橫之乃言卿東壁下有美酒一斛又有鹿

肉何以辭無 晉書曰元帝始鎮建業每得一豚以為

珍膳頂上臠尤美輒以薦帝羣下未嘗敢食呼為禁臠

肉 世說曰羅友作荊州從事桓宣武為王車騎集別

友求集良久辭出宣武曰卿向以諮事來今何以去荅

曰友聞白羊肉美一生未嘗得故來求食食了無事可

諮 華陽國志曰孝子郎偶二親病時不能食肉偶終

身不食肉 隋書曰王邵篤好經史遺落世事用思既

專性頗恍惚至對食閉目凝思盤中肉輒為僕從所食

邵弗覺惟責肉少數罰厨人厨人以情白之依前閉目
窺候僕人方見笞辱 唐書曰李泌初不食肉帝乃強

詔食肉 五代史曰劉贇父玘為縣令贇始就學衣以

青布衫襦每食則玘自食肉別以蔬食食贇謂之曰肉

食君祿也爾勤學問以干祿吾肉非爾之食也由是益

力學云 宋史曰仁宗語近臣昨宵不寐而飢思食燒

羊肉曰何不取索曰恐遂為例耳 異苑曰山陰有人

嘗食牛肉便作牛鳴菜食乃止 郭璞江賦曰土肉石

華 文選曰過屠門而大嚼雖不得肉聊且快意 杜

甫詩曰肥肉大酒徒相邀 又曰甲第紛紛厭梁肉

肉三

原鵩鵩

猩猩

王充論衡曰仲子兄祿萬鍾以兄之祿為不義之祿而不食之以兄之室為不

義之室而不居也避兄離母處于於陵他日歸有饋其兄生鶩者曰惡用是鵩鵩者他日其母殺是鶩與之食其凡自外至曰是鵩鵩者之肉而仲子恥負前言即哇而出 呂氏春秋曰肉之美者猩猩之唇 烏

銜

鼠盜

漢書曰烏孫王昆莫父難兜靡小國也大月氏殺奪其地而就銅侯把置草中遂見獸乳

之又有烏銜肉翔莫修以為神持向匈奴 又曰張湯父為長安丞出湯守舍鼠盜肉父還怒笞湯湯掘得鼠

及餘肉勅鼠傳吏書訊鞠論報並取鼠與肉具獄磔于堂下父見之視文辭如老獄吏大驚

殷圃

夏山

公孫尼子曰殷紂為肉圃

登俎

寘橐

左傳

曰公將如索觀魚臧倍伯曰鳥獸之肉不登于俎則君不射古之制也

屠門嚼

里社均

上詳肉一漢書曰陳平為里中社分肉甚均里父老曰善陳孺子之為宰平曰使平得宰天

下亦如

象白

鷺翠

張協七命曰封熊之蹄翰音之趾鷺髀猩唇髦殘象白呂氏

春秋曰肉之美者雉鷺之翠遠蕩之腕

龍肝

鷺髀

傅玄七謨曰燭鳳凰之胎採飛龍之

肝下詳

牛脾

豬肝

劉敬叔異苑曰山陰有人常食牛肉左脾常作牛鳴東

觀漢記曰閭仲叔客居安邑老病家貧不能置肉日買一片豬肝

無損

追復

神異經曰

南方有獸名曰無損其肉惟可作鮓 十洲記曰崑崙
銅柱下有迴屋焉墜方丈上有鳥名曰希左翼覆東王
公右翼覆西王母其肉若醢仙人甘之追復
與天消息不仙者食之其肉苦若醢音薏

增取瘦

食肥

甄字拜博士每臘詔賜博士牛羊大小肥瘦不
等博士祭酒議殺羊稱分其肉字恥之因取瘦

者衆不復爭 宋張齊
賢每食肥猪肉數斤

撤去

密埋

齊書高帝雖從
官而家業本貧

為建康令時明帝等冬月猶無繚纈而奉膳甚厚后每
撤去薰肉曰于我過足矣 晉書曰周訪鄉人盜訪牛

于家間殺之訪得之
密埋其肉不使人知

送薛

噉豐

柳子厚集曰河東
薛存義將行柳子

載肉于俎崇酒于觴追而送之江潯飲食之 宋書曰
衡陽王義季鎮荊州隊主續豐母老家貧無以充養遂

不食肉義季哀其志以
錢米給豐母并噉豐肉

餽賢

勉婦

孟子曰繆公之
于子思也亟問

五饋鼎肉 漢書曰傳昭性尤篤慎子婦嘗得家餉牛肉以進昭昭召其子婦曰食之則犯法告之則不可取

而埋 **烏攫** **犬得** 上詳肉二 剗通曰里婦夜亡肉姑以為盜逐之諸母東溫請火于

亡肉家曰犬暮得肉遽呼婦還

肉四

原狄山視肉

山海經狄山有視肉注曰聚肉形如牛肝有兩目也食之無盡盡復更生如故

臨海肉炙

臨海志云有肉大如小兒臂長五寸中有腹無口堪作炙食

羊膀豕脇

東哲餅賦云肉則羊膀豕脇

斑斕錦文

桓彥休七設

懸肉為林

漢書武帝

為酒池肉林令外國客遍觀之

舉山為肉

曹植與吳季重書云舉太山以為肉傾東海以為酒

割取復生

天中記云大月支及西胡有牛名爲日支牛今日割取其肉明日肉復生

一

鸞

呂氏春秋曰嘗一鸞而知一鑊之味一鼎之調

五煎

朱農本草農問于太子百果六肉五煎異

煮男女異嗜識其要矣乎

五肉七菜勝掩鷄鶩

天中記

煎熬臠炙

和齊萬方

淮南子云今屠牛而烹其肉或以甘或以酸煎熬臠炙和齊萬方其本一牛之體

目見不食其肉

風俗通云陳伯敬目有所見不食其肉

不食有目之肉

廣州先賢傳云丁密不食有目之肉

銜肉著口

笑林云甲買肉過都入廁挂肉著外乙偷之未

得去甲出窺肉因詐使口銜肉云挂著門外何得不失若如我銜肉著口豈有失理

市肉取肥

曹植樂

省肉食之

陸凱表云蒙蚤卒先帝痛悼不已子最幼穉先帝省肉食之

府歌

長跪進之

東觀漢記云甯固羗人愛之炙肉未熟人人長跪前割之血流指間進之于固固輒為啗

不穢賤之

非肉不飽

禮記云六十非肉不飽七十非帛不煖

舍肉遺母

左傳

云穎考叔為穎谷封人有獻于公公賜之食食舍肉公問之對曰小人有母皆當小人之食矣未嘗君之羹請

以遺之

以肉投羹

謝承後漢書曰陳楚嘗賜食于上楚稱眼無所見以肉投羹

晏

子相齊食肉不足

晏子云晏子相齊三年梁丘據見晏子中食而肉不足

公孫

為相食惟一肉

史記云公孫弘為丞相食惟一肉而已

桓任終身不近

謝承後漢書云桓任後母生時不食豬羊肉故終身不以豬羊肉入口

程曾遂吐不食

桂陽先賢畫贊云程曾字孝孫七歲亡母號慕毀悴鄰人哀憐嚼食哺之知有肉遂吐不食

羊肉

千斤

古詩云羊肉千斤酒萬斛

姜詩埋肉

東觀漢記賊經姜詩里不敢驚孝子致米肉詩

埋之後吏謹詩掘出示之

閹人乞肉

左傳邾莊公與夷射姑飲酒私出閹人乞肉焉奪其杖以

敲之食無兼肉

漢劉虞為上公食無兼肉

懷其餘肉

史記東方朔待詔賜之飯

食頃悲懷其餘肉持去衣盡汚

增自幼不食

楊叔字藏之以母奉浮國法自幼不食肉母約

曰爾得進士第可食

沒身不食

北夢瑣言曰唐歸登性甚慳嗇常爛一羊脾旋割旋啖封其殘

者一日登妻誤于封處割食登大怒由是其妻終身不食肉

性約不喜食

唐竇建德性約

素不喜食肉飯脫粟加蔬具

擊鮮

周禮鮮新殺之肉也謂擊殺牲宰與我食鮮也

啄腐

謂酒肉之人啄腐吞腥也

魚鱖羹

生肉曰羹熟肉曰羹

腥醲

腥肉之精者醲酒之上者

四時食

選曰四時所食各異其肉

豆肉

記曰鰐酒豆肉

遷居

嘉蓮燕語曰吳俗遷

居預作飯米下置猪臟共煮之及進宅使婢以箸掘之名曰掘藏閭門上下俱與酒飯及臟謂之散藏歡會竟日後復命婢臨掘向電祝曰自入是宅大小維康掘藏致富福祿無疆掘藏先祭電神然後食娶婦又曰江南婚娶新婦初至合卺後即用牛蹄筋作羹以豕肉切散子大和作飯送新婦食謂之金玉食筋謂金肉謂玉也加酥宋周羽冲三楚新錄曰李戴仁避亂于江陵高季興署觀察推官為性迂緩一日將召方上馬部曲相毆戴仁怒命急取厨中飯并猪肉令相毆者食之仍戒曰如敢再犯必當于猪肉中加之以酥聞者無不笑之

肉五

原啓梁劉孝綽謝安成王賚祭孤石廟胙肉啓曰味過
淪鳳珍越屠龍故使屏翳收風馮夷淨浪神居鷗首獨
泛安流民幸同附得徵邁迂復等受釐預頌純嘏恩靈
所降信次委積報生以死竊聞斯義

脯一

原劉熙釋名曰脯搏也乾燥相搏著也 又曰脩脩縮

也乾燥而縮也 說文曰脯乾肉也脩脯也搏補莫反薄

脯搏之屋上也腕骨脯也胸衢脯脰也 周易曰噬乾

肉 毛詩曰爾酒既滑爾肴伊脯 增左傳曰女贄不

過榛栗棗脩以告虔也 原穀梁曰束脩之肉不行境

中 注曰束脩脯也 有至尊者不貳 周禮曰腊人掌乾肉凡田

獸之脯腊膾胖之事

夫物解肆乾之謂之乾肉薄切曰脯搯之而施薑桂曰臘脩腊小物而乾

者膾胖皆為夾脊肉也

祭祀共豆脯薦脯膾

呼 胖

儀禮曰鄉飲

酒主人立于西階東薦脯使行出袒釋軼祭脯士冠賓

東面薦脯 禮記曰婦人之贄脯脩大夫燕食有脯無

膾有膾無脯 增又曰宗廟之脯曰尹祭 又郊特牲

曰大饗尚服脩而已矣 原盧謨祭法曰春祠用脯夏

用鬴

湯逼反

脯

東方朔傳曰濕肉為膾乾肉為脯 增

唐書元行沖曰下之事上譬富家儲積以自資也脯腊

膜胰以供滋膳 原洛陽記曰乾脯山在洛陽北去三

十里于上曝脯因以為名 論衡曰儒者言泰平時蕘

莆生于厨中厨中自生肉脯薄如蕘形搖鼓生涼 風

俗通曰俗說膊大脯案太山博縣每歲十月祠太山脯

濶一尺長五寸 增神異經曰西北荒山有玉饋之酒

酒泉注焉廣一丈深三丈酒美如肉澄清如鏡上有玉尊玉籩取一尊一尊復生籩有脯焉味如麋鹿飲此酒人不死一名遺酒其脯名曰追復食一斤復一斤

脯二

原尚書大傳曰散宜生閤天南宮适三子俱學乎太公太公見三子之為賢人遂酌酒切脯約為朋友 呂氏春秋曰趙宣孟之絳見骭桑之下有卧餓人宣孟與脯二胸拜受而不敢食問其故曰臣有母持以遺之宣孟

更賜之脯二束而去 漢書曰濁氏以胃

以羊燂湯胃以椒薑

脯

而連騎張里以馬醫而擊鐘 增世說曰初太祖乏食

程昱掠其本縣供三旬糧頗雜以人脯由是失朝望故

位不至公也 原英雄記曰公孫瓚與諸屬郡縣每至

節會屠牛作脯每酒一觴致脯一豆 又曰左慈詣劉

表云有薄禮願以犒軍表使取之有酒一器有脯一盤

十餘人共舉不能勝慈自取之引入求書刀削脯投地

百人接酒及脯賜兵人人酒三杯酒如故脯亦不減

神仙傳曰王遠至蔡經家與麻姑共食設有饌擗脯而行如巧狎災云是麟脯 博物志曰閩越江北山間蠻夷噉丘蛭脯 增晉書曰桑虞嘗行宿寄逆旅同舍客疑虞為盜虞默然無言便解衣償之主人曰此間數失魚肉雞鴨多是狐狸偷君何以疑人乃將脯至山冢間尋求果得之客來還衣虞投之不顧 北齊書曰彭城王攸為滄州刺史有一人從幽州來驢馱鹿脯至滄州界脚痛遲行偶會一人為伴遂盜驢及脯去明旦告州

乃令左右及府僚吏分市鹿脯不限其至主見識之推
獲盜者 唐書曰太宗狩于濟源之陵山上曰古者先
王驅以供宗廟今所獲鹿宜令有司造脯醢以充薦享
杜陽雜編曰同昌公主有紅虬脯非虬也但貯于盤
中則矯健如虬絲高一尺 又曰洛陽人家重陽則製
迎涼脯 清異錄曰何敬洙帥武昌時司倉彭湘傑習
知膳味就中脯腊尤殊敬洙檄掌公厨郡中號為脯掾

脯三

原濁氏 腊人

上

詳補二
下詳補一

追復 不減

上

詳補一
下詳補

二

四脰

二胸

公羊傳曰魯昭公出奔齊侯使高子執簞食四脰脯再拜稽首以袵受何

休注曰屈中曰胸中
曰脰 下詳補二

仙麟

水鼠

上詳補二
東方朔神異經曰北方

有層承萬里厚百丈有鼯鼠在冰下食冰下草水肉重萬斤可以作脯食之已熱注曰除熱病也

瓊

枝 金矢

楚詞曰折瓊枝以為羞王逸注曰羞脯也周易曰噬乾肺得金矢王肅注曰四體純陰

卦骨之象骨在乾肉脯之象金象象所以獲野禽以食之反得金矢君子于味必思其毒于利必備其難

增同心

傷指

韋巨源食帳有同心結脯蓋先結後風乾者代宗睿真皇后沈氏嘗削脯哺帝

指 傷左

祭詩

待客

下惟短牒曰賈島常以歲除取一年所得詩祭以酒脯曰勞吾精神

以是補之 北齊書曰盧叔彪為尚書魏收訪之食至但有栗餐葵菜木盃盛片脯而已

犒軍

責令

上詳脯二人斗酒束脯 唐邢邵為西兗刺史縣令妻日暮取

脯四

原蒲脯

古今注云秦二世時趙高先獻蒲脯鹿馬以驗羣臣

瓠脯

程季明詩云厥味伊何玄

酒瓠

所以飲燕

孔叢子云子思居貧其友有饋之粟者受二車馬或獻尊酒束脩子思弗

當或曰子取人粟而辭我酒脯是辭少而取多也曰夫以受粟為周之也酒脯則所以飲宴也方之于食而乃飲宴非義也或者以供臘祀 崔氏四民月令云十擔其酒脯以歸 月作脯以供臘祀

桑皮為脯

搜神記云徐登趙炳首尚清儉禮神以東流水削桑皮以為脯

瓦石為脯

神仙傳曰葛元每逢友輒坐樹下砍樹汁杯
承而飲之皆好酒取瓦石草木為脯以下酒

每朝設

脯國語云楚成王聞子文之朝不及
夕也于是每朝設脯一束糗一筐

方坐噉脯

東觀漢記

曰光武初起兵叔公良搏手大呼曰我欲詣納言
殿將軍叱上起去出閣令人視之還白方坐噉脯

脯

就厚之每宴公輒提酒脯以就衛
郭子云衛辰為桓公長史桓公甚

蒲變

潘岳西征賦云野蒲

為發而脯

衣償

詳見

束脩

孔子曰自行束脩以
上吾未嘗無誨焉

市脯

語曰沽酒
市脯不食

脍脯

脍乾雉
脯乾魚

脯醢

周禮膳夫掌王之稍
事薦脯醢稍事謂非

日中大舉時而
間食謂之稍事

增脯酒

韓文衡曰升階偃倭薦
脯酒欲以菲薄明其表

山

羊脯

續齊諧記曰劉晨阮肇入天台山有女
仙人為設胡麻飯山羊脯因留連之

河祗脯

雞距集云武夷君食河祗脯

陳蕃待客

董謹續豫章記云陳蕃待客拌飯以鹿脯羹以牛

脯未嘗別為異饌

王績嗜酒

王績性嗜酒杜松之歲時贈脯

原正膂通幹

杜育菽賦曰脯則正膂通幹麋鹿肥麋

左胸右末

禮記曰以脯脩置者左胸右末鄭注曰屈

中曰胸

增脯資竭

左傳曰惟是脯資餽牽竭矣

赤明香

清異錄曰赤明香世

傳仇士良家脯名也輕薄甘香殷紅浮脆後世莫及也

脯五

原賦唐陳子昂塵尾賦曰天之浩浩兮物亦芸芸性命變化兮如絲之紛或以神好正直天蓋默默或以道惡

強梁天亦茫茫此仙都之微獸固何負而離殃始居幽
山之數食乎豐草之鄉不害物以利己不營利以同方
何忘情而委代而化情之不忘卒羅網以見逼授庖丁
而罹傷不以斯尾之有用而殺身于此堂為君彫俎之
羞廁君金盤之實承主人之嘉慶對象筵與寶瑟雖信
美于茲辰詎同歡于疇昔

原啓梁劉孝威謝東宮賚鹿脯等啓曰上林絕蕃人之
搏禁地無張京之犯而猶有班超游獵李廣馳射遠歸

于厨吏入貢于腊人形圖三事之車影入九仙之鏡

腊

原田獸之腊

周禮曰腊人掌乾肉凡田獸之脯腊臠脾之事注薄析曰脯腊小物全乾臠脾謂夾

脊肉

鷓鴣鳥可腊

異物志云鷓鴣鳥大如雉其肉香美可以作炙及腊

冬祀用腊

盧諶祭法云冬祀用雉腊兔腊

噬腊遇毒

易云噬腊肉遇毒小吝无咎

堯如腊

舜如腊

傳子

增朝曝夕乾

周禮云腊之言夕也朝暴夕乃乾

炙一

增釋名曰炙炙也炙于火上也脯炙以脯錫蜜豉汁淹

之脯脯然也釜炙于釜汁中和熟之也腦銜也銜炙細
蜜肉和以薑椒鹽豉已乃以肉銜裹其表而炙之也
炙全體炙之各自以刀割出于蠻貊之為也 詩曰或
燔或炙 又曰有兔斯首炮之燔之 謝承後漢書曰
陳正為大官令與黃門侍郎有隙因進御食髮繞炙中
光武見之怒將斬正正曰臣當死者三山炭增治吐炎
焦膚爛肉而髮不銷臣罪一也匣出佩刀砥礪而虧肌
截骨曾不能斷髮臣罪二也臣少時目閱章表猶讀五

經今則御食臣與丞及庖人六目齊視豈不如黃門兩目臣罪三也制赦之世說新語曰王君夫有牛名八百里駁王武子語君夫今指賭卿牛以千萬對之君夫便相然可令武子先射武子一起便破的却據胡牀叱左右速探牛心來須臾災至一嚮便去

災二

原黃帝燔肉為災

易注云黃帝始燔肉為災

專諸乃學災魚

吳越春秋

云專諸從太和公學災魚

糴糴之災

呂氏春秋曰肉之美者糴糴之災

薄者之

災

枚乘七發云薄者之災鮮鯉之膾案薄者薄切獸者之肉而以為災也者即今所謂者頭

鳳凰

災

傅玄七謨云鳳凰之災飛龍之肝

黃雀災

蕭濟孝子傳云王祥後母病欲黃雀災乃有黃

雀數十飛入幕

母喂災

禮鄭注云為其貪食甚也喂謂一舉盡齋

馬行

內因以供母

災

帝王世紀云紂宮九市車行酒馬行災

丸災

食經云交趾丸災法丸如彈丸作曜乃下丸災

煮之案牘

棊災

束皙近遊賦云棊災不過兩豆

庶人有薦

國語屈建曰庶

肉羹也

人有魚災之薦

驕女爭食

風土記吳王闔閭女驕恣嘗與王爭食魚災怨恚而死

李

充及溫

陳留耆舊傳曰李充在鄧將軍坐鄧設災肉充扶箸以嗽災冷復命溫之及溫而後食

藥寧未熟

左傳云藥寧將飲酒災未熟聞亂使告季子召獲駕乘車行爵食災奉衛候執來奔

置劍災中

吳越春秋云專諸置劍以刺王僚

以髮貫災

見災一

割災啗之

晉書顧榮與同僚宴飲見執災者貌狀不凡有欲災之色榮割災啗之坐者問其故榮曰

豈有終日執之而不知其味及趙王倫敗被執將誅而執災者為督率遂救之得免

先啗右

軍

語林云右軍年十一周顗異之時絕重牛心災座客來未噉先割啗右軍乃知名

鄧禹進

災魚

東觀記云上率鄧禹等擊王郎上過禹營進災魚上大食噉之也

徐穉裏難災

謝承後漢書云徐穉諸公所辟雖不就死喪負笈赴弔常于家豫災難一隻以一兩綿絮漬酒中暴乾以裹

難徑到所赴家燧外以水漬綿使有酒氣斗米飯白茅為藉以難置前釀酒畢遂去不見喪主

重睫

視而不見髮

韓子云晉平公時進災而髮繞之平公使叔庖人庖人呼天曰嗟乎臣有三罪而死

不自知乎平公曰何謂也對曰臣刀之利風靡骨斷而髮不截是臣之一死也桑炭災之肉腐而髮不燒是臣之二死也災熟又重睫而視之髮繞而目不見是臣之三死也意者堂下有譖臣乎殺臣不亦枉乎

食

鵲災知黑白處

三秦記云符朗食鵲災知黑白處

增駝峯災

酉陽雜俎將軍

曲良翰作驢駝峯災甚美

龍鬚災

清異錄曰謝諷食經中有龍鬚災

蟹魚災

三輔決錄云蟹魚災甚美諺曰寧去累世災不去蟹魚災注謂其肥也

蛤蜊災

傳芳畧曰吐突

承璫嗜蛤蜊災

逍遙災

唐睿宗聞金仙玉貞二公主飲素曰令以九龍食舉裴逍遙災賜之

昇平災

唐韋巨源為尚書令其食帳有昇平災

消靈災

同昌公主有消靈災

無

心災

段成式馳微飢甚叩村家老姥出瓶臠五味不具成式食之有踰五鼎曰老姥初不加意而味殊美

如此自後令庖人具此品因呼為無心災

鼃災

飲食有否災鼃災

鵞災

齊書曰陽桂之

役詔徹久之未就齊高帝引江淹入中書省先賜酒食淹素能飲啖食鵞災垂盡進酒數升訖文誥亦辦

牛災

明皇雜錄曰杜甫字子美客耒陽游岳祠大水遽至涉旬不得食縣令具舟迎之令嘗饋牛災白酒

送杜甫後深寓湘潭間羈旅憔悴于衡州耒陽縣頗為令長所厭甫投詩于宰宰遂致牛災白酒以遺甫甫飲過多一夕而卒

冷災

杜詩殘杯與冷災

蒸

原蘇蒸不熟

越傳云孔子之魯燔俎無肉蘇蒸不熟

藜蒸不糝

詳

蒸

葱額之雞

劉邵七華云煎蒿陵之繅翠蒸葱嶺之碧雞

蒸剛肥之豚

桓驕七說

祝阿有蒸魚

風俗通云祝阿不食生魚俗說祝阿凡有宿婚吉凶大會有異饌極止蒸魚

吳王會蒸魚

吳越春秋云吳王有女滕玉因謀伐楚與夫人及女會蒸魚王前嘗半而與女

女怒曰王食魚辱我不能久生乃自殺閭閻痛之葬于國西閭門外

辱我不能久生

詳上

同盤不能相救

世說曰桓公有參軍石倚食蒸而不能共故桓公不設箸而倚終不放舉

坐笑公曰同盤不能相救

增蒸肫

王濟人乳蒸肫

蒸鳧

楚詞炙鵠蒸鳧

煎炙

蒸臠

劉梁七舉

火氣上行

說文曰蒸火氣上行也

芬芳備具

芬芳備具

曰

灌以杏酪

志林曰爛蒸桐州羔灌以杏酪食以匕不以筋

蒸之浮浮

詩大

雅

蕙肴蒸兮蘭藉

楚辭

魚

原魚鰲鮮魚

詩箋云魚鰲以火熟之也鮮魚中膾者也

魚珠崖鰲

傳玄七謨云魚

珠崖之鰲煮丹巖之鰲

魚柔毛之豎

桓麟七說案豎未成羊也

魚南海之

鵠劉邵七華云魚南海之鵠案鵠音奚端鵠大龜也

增魚鰲膾鯉

小雅

毛魚

載羹

頌魯

鮓一

增說文曰藏魚也

案鮓本作藏魚醢之大樽者

珍羞紀要曰鮓殖

也以鹽米釀魚肉為之

原漢書曰昭帝時釣得蛟長

三丈帝曰此魚鱔之類命大官為鮓骨肉青紫食之甚美帝更求之不獲

列異傳曰費長房又能縮地脉坐客在家至市買鮓一日之間人見之千里外者數處

列女後傳曰吳光祿勳孟宗字武恭為監魚池司馬作兩器鮓以歸奉母母怒之曰吾老為母戒言惟聽飲彼水何吾言之不從也宗曰于道作之非池魚也母曰汝為主魚吏而獲鮓以歸豈可家至戶告也乃還鮓于宗宗伏謝罪遂沈鮓于江世說曰有人遺張華鮓者華

見之謂客曰此龍肉鮓也以苦酒沃鮓鮓中則有五彩

光試之果如言後問其主云于茅積下得白魚所作也

又曰陶侃少時作魚梁吏嘗以一坩鮓餉母母封鮓

及書責侃曰汝為吏以官物見餉非惟不能益我乃以

增我憂也

坩音堪
土器也

增大業拾遺記曰十二年六月吳

郡獻太湖鯉腴膳四十坩純以鯉坩為之計一坩鮓用

鯉魚三百頭肥美之極冠于鱸鯖 博物志曰仲秋月

取折頭鯉去鱗破腹使脊割為漸米爛燥之以赤秫米

飯鹽酒令糝之踰月乃熟是謂秋鯖 元戴表元詩曰

冰水魚肥供白鮓

鮓二

原連堦

百薄

楊泉五湖賦見上有斷溪嘗有砍茨者忽聞似茨內有動

交州記云百薄瀨

然久視之見魚眼徑尺似鮓魚斫以為鮓得百薄因名百薄瀨也

陶侃十斛 謝玄

一坵

陶侃故事云蘇俊平後侃上成帝鮓十斛謝玄與婦書云昨疏成後出釣所獲魚以為鮓一坵今

謝玄

送來思嚮無事也

增糝缶

披綿

梁王琳鮓表伏觀除書以臣為糝缶將軍

提要錄

云黃雀鮓謂之披綿鮓以其肥也

陳陶酷嗜

超宗詭言

江南野史云陳陶所

居不與俗接惟酷嗜鮮一啗或至十觴宋書云王瑩
代謝超宗為義興太守與謝交惡超宗到都瑩父懋詣
超宗超宗為設精白鮑美鮓懋問那得佳味超宗欲激
其怒詭言瑩始見餉且佯驚曰大人豈應不得邪懋大
怒言于朝廷稱瑩供養不足坐廢久之

玉版

金綿

江淮間以鯉魚鱗魚為之名曰片醬

又曰玉版鮓清異錄曰吳淑冬日招客詩寒鮓疊金綿綿謂黃雀脂膏也

鮓三

原南方謂之黔北方謂之鮓

說文云俗作鮓

四時之膳食荆

州之鮓魚

周禮云庖人供祭祀之好羞鄭注云謂四時所為膳食若荊州之鮓魚青州之蟹胥雖非

常物進之孝也

蜀人魚鮓

爾雅云魚謂之鮓蜀人取魚不

西羌秋鮓

博物志云西羌仲秋月取赤頭鯉以為鮓

吳人蒲以為鮓

草木記云

吳人蒲始生取以為鮓

閩越噉獼猴鮓

博物志云閩越江北諸夷噉獼猴鮓

珠

柱

草木記云采珠人取珠柱肉作鮓

鱸肉

爾雅疏云鱸形似龍鉤頭口在頤下背上腹下皆有

甲縱廣四五尺今于盟津石磧上鉤取之大者千餘斤肉可為鮓

方縛直截

楊泉五湖賦

鹹鹽白糝

又云鹹鹽白糝雜以菜果連埋抑鮓積如丘陵

漢川神喜食鮓

列異傳云漢川神嘗出行市中喜食鮓菜

以飯鮓上土公

青烏子葬書云初掘塚之日嘗

以飯鮓上土公四旁

增潤州貢

地理志云潤州土貢鮓魚鮓

房州造

房州六月

調羊酪造含風鮓

薑桂

鳴薑動桂紆蘇佩橘

苞蘆

杜詩香飯兼苞蘆東坡謂蜀人呼鮓

為苞

蘆服鮓

齊鮓志云白樂天方

牡丹鮓

清異錄云吳越

有一種玲瓏牡丹鮓以魚葉闢成牡丹狀既熟出盎中微紅如初開牡丹

野猪鮓

酉陽雜俎云安

祿山恩寵莫比其腸

池魚鮓

韓全誨傳云唐昭宗至鳳翔帝報所御膳腸韓

全誨等李茂貞食鮓美帝曰此後池魚茂貞曰臣養魚以候天子聞者皆駭

鮓四

原啓齊王融謝司徒賜紫鮓啟曰東越水羞實罄乘時

之美南荆任土方揖鮓魚之最陳周弘正謝敕賚紫

鮓啟曰珍韜江浦味越名川昔聞八駿東征止收黑水

之麥七華西討才獲苦山之菜豈如兩階千舞四方來
格臨朝拱默任土爭貢

膾一

增說文曰膾細切肉也 釋名曰膾會也細切肉散分
其赤白異切之乃會和之也 禮記內則曰膾春用葱
秋用芥春用韭秋用蓼 東觀漢記曰章帝與舅馬光
詔曰朝廷鹿膾寧用飯也 隋唐嘉話曰南人魚膾以
細縷金橙拌之號為金齏玉膾 春秋佐助期曰吳中

以魚作膾菰菜為羹魚白如玉菜黃若金稱為金羹玉
膾一時珍食 楊畢膳夫錄曰膾莫先于鯽魚鰕魴鮓
鱸次之鱖鮓黃竹五種為下其他皆強為 元戴表元

詩曰霜魚碧玉膾 又曰白鹽尊菜膾紅酒稻花雞

邪律楚材詩曰絲絲魚膾明如玉屑屑雞生爛似泥

膾二

原鰮魚為上

大蛇甚美

神仙傳云介象與吳王共論
膾何者甚美象曰鰮魚為上

美今于殿前庭中作方坎汲水滿之象垂綸于坎中食
頃得鰮魚作膾 齊諧記曰江南有麻治為人好噉膾

江北華本得一大蛇喚麻為膾別復切魚為膾自食以蛇膾與麻得食甚美治索魚名華本因醉喚取蛇及餘肉出麻治見之

望子應心而至

李鷹命駕便歸

神搜

記云會稽鄞縣有一女姓吳字望子為蕪侯神所愛望子嘗思啖膾雙鯉應心而至世說云張李鷹辟齊王東曹掾在洛見秋風起因思吳中華美鱸魚膾曰人生貴適意何羈宦十里以要名爵遂命駕便歸俄而齊王敗時人謂

增嘗蝦蟆

化蝴蝶

沈約宋書曰張叔為獬犬所傷人云宜食

為見幾

蝦蟆膾叔難之兄暢含笑先嘗叔乃食即愈酉陽雜俎云進士段碩常識南孝廉者善斫膾因會客街技起魚架之忽暴風雨雷震一聲膾悉化為蝴蝶飛去南驚懼遂折刀不復作

宋龜造

房瑄

食

唐陵法曹宋龜造饅子膾其法用鯽魚肉鯉魚子以碧筒或菊苗為胎骨明皇雜錄云邢和璞嘗謂房

瑄曰君沒之時必因食魚膾既沒之後當以梓木為棺然不得沒于君之私第不處出館不處玄壇佛寺不處親友之家其後謫于閬州寄居州人之紫極宮卧疾數日刺史忽具膾邀房于郡齋房亦欣然命駕既歸暴卒州主命櫨槨于官棺得梓木為之

銀絲

玉縷

杜詩鮮魴銀絲膾西征記鱸魚色鮮盤

玉縷盤雪庖霜杜子美觀打魚歌饔子左右揮霜刀

鯽魚玄

膾三

原細者為膾

禮記云肉腥細者為膾大者為軒鄭注云言大切細切異名也

切之為

膾

凡牛與羊魚鼈而切之為膾

膾西海之飛鱗

曹植七啓云膾西海之飛鱗臠江南

之潛

膾天流之潛魴

孫毓七誘

膾潛鱗

潘尼釣賦云乃令宰夫膾此潛

魴

鱗名公習巧飛刀逞技電剖星飛

芒散縷解離錐落俎連翩雪累

膾美鮮

徐幹七喻云斗膾美

鮮

秋用芥

詳上膾一

冬宜鮮

鮮生魚也

膾錦膚鱗斑胎

傅玄

七謨云膾錦膚鱗斑胎飛刀浮切毫分縷解動從風散聚似霰委流米成大燦若紅綺

鮮鯉之

膾

七發

鯉魴之膾

桓麟七說三牲之切鯉魴之膾美如鱗脂疊似蛎羽紫魴音皮魚名鳥首

魚

膾其鯉魴

傅毅七激云涪養之魚膾其鯉魴分毫

方異味厭和不同

鮓鱉膾鯉

詩

命支離飛霜鍰

張協七命云范公之

鱗出自九溪頰尾丹鰓紫翼青鬚爾乃命支離飛霜鍰紅肌綺散素膚雪落婁子之毫不能刷其細秋蟬之翼

不足擬其薄

使朱元騁妙伎

劉邵七華云洞庭之鮓出于江嶠乃使朱元揮臂騁厥妙

伎數割皮骨

饗人縷切鸞刀若飛

潘岳西征賦云華鱗躍鱗素鱖揚鬐

饗人縷切鸞刀若飛紅鮮

焱足走切龍刀電舒

孔煒引

云焱足走切龍刀電舒

應刃落俎霍霍靡靡

潘岳西征賦云

云隨鐔離俎紛紛纚纚

張衡七辨云鞞洛之鱗割以爲縱分析縷細隨鐔離俎紛

纚纚

連翩雪累

潘尼鈞賦見前

繽紛霧隨

劉邵七華見前

橫者

毫析縱者縷紛

徐幹七喻

雜猶亂絲聚若委米

桓麟七說云牒一元

之膚春祭之鮮雜猶亂絲聚若委米

散若絕穀積如委紅

傅毅七激

累如

疊穀離若散雪

七發

白踰委毒赤過擒丹

徐幹七喻

餘棄

于水化為魚

博物志云吳王江行食膾有餘棄于中流化為魚今魚中有名吳王膾餘亦名膾骨

長數寸大者如箸猶有膾形

半隨于水化為魚

搜神記云昔越王將食膾而未切隨

半于水內化為魚

子胥閭閻食膾

吳越春秋云子胥伐楚歸吳吳王聞三師將至治魚

為膾將到之日過時不至魚臭須臾子胥至閭閻出膾而食不知其臭王復重為之其味如故吳人作膾者自閭閻之造也

姜姑鄰母共食

列女傳云姜詩妻事姑甚孝姑嗜魚膾又不獨食夫婦常

力作供膾呼鄰母共之舍側忽有湧泉味如江水每旦輒出雙鯉常以供二母之膳

持魚半籠

欲寄作膾

世說云張元為使至江陵路經陽岐俄見一人持半籠生魚還來造船云有魚欲寄作膾

元乃維舟而納之問其姓名云是劉遺民張素聞其名甚欲語言劉子無意既進膾便去云得此魚觀君船上

有膾具是

故來耳

以錢一千求作一食

齊諧記云周子有女

貧後至長橋南見眾者作膾以錢一千求一飽飯五斛便大吐有蟾蜍從吐中出婢以魚置蟾蜍口中即成水

遂不敢

啖膾

周決會者

搜神記曰左慈字元放曹操高會珍羞畧備少松江鱸魚慈以銅盆

貯水釣水中引出魚皆長三尺以作膾周決會者

一坐皆遍

又曰謝紇嘗會客以朱書符投

井中有一雙鯉魚跳出即命作膾一坐皆得遍

不食

語云魚脯非芥醬不食

處外

禮云

膾炙

增吐膾

魏志曰陳登得胷中煩懣面赤不食病華佗為診脉曰府君胷中有蟲數升欲

成肉疽食腥物所為也即作湯三升先服一升斯火盡服之食頃吐出三升許蟲赤頭皆動半身猶是生魚膾

也

餉膾

沈約宋書曰沈攸之舉兵圍郢城獲范雲令送書入城餉柳世隆膾魚二十頭

郎

官膾

海物異名記云江南人喜作膾名即官膾曰張翰思膾得名

天孫膾

謝楓食經有天

孫膾

奇味

大業拾遺記曰六年吳郡獻海鰾乾膾四瓶客一斗浸一斗可得徑尺面盤并奏作乾魚

法帝以示羣臣云昔衛人介象于殿庭釣得海魚此勾化耳亦何足珍異今日之膾乃是真海魚所作來自數

千里亦是一時奇味即出數盤以賜近臣

佳味

隋唐嘉話曰吳郡獻松江鱸膾煬帝曰所謂金齏玉

膾東南佳味也

鱸手刀子

酉陽雜俎曰安祿山所賜有鯽魚并膾手刀子

操刀膾

鯉

李綱字文紀有進魚者太子使膾之唐儉趙元楷自言其能太子曰操刀膾鯉和鼎味公等善之若弼諧

審諭固屬網矣

吳昭德造

吳昭德善造鱸膾時人嘲之曰膾若值吳縷細花鋪若非遇吳費醋

及葫江東呼蒜為葫東坡云吳興庖人所鱸膾亦足一笑卿土以此為咸饌製時鋪成草花鸞鳳或詩句詞章務臻其妙造蓋亦是得法謂之金蓋玉脍

余媚娘饌
麗情傳曰陸希聲妻余媚娘能饌五色膾

妙不可及

生羊膾
北齊武威王有生羊膾

飛鸞膾
食經有飛鸞膾又有吐嗟膾

水晶

南昌集云山谷自號水晶膾為醒酒水

法鯽

提要錄曰法鯽須得鯽之大者腹間

微開小竅以椒圖馬芹實其中每一斤用鹽二兩油半兩擦膏三日外以法酒漬之入瓶石灰綿蓋封之一月

紅色可膾

鸞闕

南詔膾寸魚以胡椒和之號鸞闕

縷飛

杜詩刀鳴膾縷飛

雪堆

山谷詩偶因煖老庖玄鰈公道霜鱗貫柳米蓋白方看金作屑膾盤已見雪成堆

長鯨

李詩意在斬巨鰲何論膾長鯨

白肉

梁書曰蕭穎胄素能飲酒嘅白肉膾至三十斤

洛陽

膾

金門歲節記云洛陽人家七夕裝同心膾

蓬池膾

李德裕夢詩荷淨蓬池膾凡學士初上賜

悉是蓬池魚膾

雪花

司馬溫公詩
鱸膾雪花肥

鯖

增煮食

說文云鯖煮肉也

雜肴

字林云鯖雜肴也

五侯鯖

語林云妻護字

君卿歷遊五侯之門每旦五侯遣餉之君卿乃合五侯所餉鯖之而美所謂五侯鯖君卿之為也

醒

酒鯖

齊書云武帝就虞棕求諸飲食方棕秘不出上醉後體不快乃獻醒酒鯖鮓一方而已

御定淵鑑類函卷三百八十九